



國朝詞綜卷四十一

吳省欽

吳省欽 八首

青浦王昶纂

張熙純 十五首

胡奕勳 二首

金兆燕 二首

汪孟錫 一首

陸王任 一首

陳誠 七首

曹自鎔 一首

汪啟淑 一首

陶元藻 五首

邵玘 二首

邵炎 一首

諸廷槐 二首

王方恒 一首

朱景輔 一首

吳省欽

字冲之號白華南滙人乾隆二十四年召試賜內閣中書二十八年進士官至左都

御史

臺城路

山塘舟中

白公隄畔春如海吳孃畫船挨遍鬢影雲交粉香風遞
第一盈盈嬌面芳心自軟况桃葉桃根隔舟相見欲卻
還前帶人無語掩歌扇橫波搖共燭影想故人天末
淚痕紅濺綺席傳觴翠羅投帕偏是馬卿遊勸囊琴匣
硯笑繡被堆來更誰同薦情話叢殘綠楊風絮轉

摸魚子

滬城過趙璞雨不直

白蓮涇趁潮斜翦短篷低挂帆布相思偏是遲相見輪
與鷺羣鷗侶雲影暮聽嫋嫋秋風不暖垂楊樹荒邨古
戍記竝轡尋春聯棊敲月零落似萍絮盈樽酒何必
旗亭客路腰支唵瘦幾許紫萸黃菊登高會烏帽訪君
何處君莫訴問滾滾江流流否離愁去蘆汀荻渚祇漁
板涼天權歌深夜篷底暝烟雨

選 憶蘿月

鑪薰被暖好夢和春短夢又不來人又遠月上梨花小
院更更漏沈沈無眠低枕橫琴纔是曹騰倚睡牕

前蚤喚山禽

南浦

春水次玉田韻

新漲淥盈盈半匳開彷彿湘流清曉鴨綠趁鶯黃陰陰
影消受柳梢勻埽天光不定縠紋剛縐東風小南浦銷
魂人去也愁煞滿隄芳草憐渠纔送輕漸泛春三二
月殘紅不了疎雨又絲絲烟波裏勾引畫船撐到天涯
渺渺錦帆消息而今悄重檢曹衣痕百褶勻蘸碧羅多

少

摸魚子

江舟寄題張氏飛鴻堂

買芳園竹蒼梧碧宜陰宜霽宜雨涼波指點繩橋外擎
出蕩花無數人試度一片片沙禽驚起飛還住牽舟慢
許愛穩稱裝書還宜把釣生計未遲暮 罨塵底有幾

蔬畦藥圃風流遜與張緒敲碁賭酒尋常事消遣膽孃
歌舞琴自撫望冥冥孤鴻秋影遙天去江州客路念寂
歷琵琶叢殘蘆竹錯了六州鑄

臺城路

施耦堂豆棚閑話圖

水邨不斷濃雲朶陰陰幾層高柳碧瀉彎流綠沈义路
種得半畦山豆孤棚結就漸扶起春苗暗遮圓牖翦翦
疎風泥他鐺腳坐移酉夕陽坐看移影想雕龍說虎
剔遍談藪鬥酒湖檣品茶市幔無此井鄰谿耦閒情慢
剖惹絡架青蟲半黏襟袖淺淡花邊一痕涼露逗

玲瓏玉

儉堂接葉亭丁香花下

丁子梢梢小名喚雅配辛夷南人見少怪他團雪枝枝
幾樹凹深凸淺把芳寮如綺籠徧晴絲相宜敲紅牙傾
倒翠巵不分羞簪吟鬢有鬢然翁醉橫潑險麋翦幅
銀光映階前一様參差今年歡場依舊怕亭長新巢定
了也負花期更添畫曲闌邊唵影竝移

選 掃花游

儉堂於成都重葺楊升庵故居櫻桃盛花同人集飲分賦

江梅怨笛又換了花風散花深處朱櫻萼吐算三桃信
息者番迷誤香玉雕成試把春梢穩護拂檐去認絡索
禮枝似名樊素林暖鶯試乳莫喚賣山城折殘沙路
嫣然一顧記新翻樂府有人嘲汝被酒朦朧祇道梨雲

壓樹小延竚滿筠籠嫩紅無數

張熙純

字策時號少華上海人乾隆二十七年舉人三十年召試賜內閣中書有曇華閣詞

蘇 蘇中人

朱吉人云少華襟情爽颯而填詞又極纏綿故以韻勝也外有香奩一卷惜為人假手不能傳播藝林

選 惜餘春

送春

蝶外飄花鶯邊零雨是處穠華都盡瓊窻喚夢翠幄留
雲擬訴別懷爭忍今夜無眠共君遙聽鐘殘不堪風緊
看媽紅如許啼痕猶染襪塵難認還暗省團扇招香
疎簾通燕隱約歡遊曾趁愁聞杜宇怕對將離只有綠

烟凝恨。長日閒庭悄。然空倚清尊。誰傳芳訊。想桃門深鎖。銷魂前度。舊情休問。燕飛香

雲南浦

沙斗初春江雨汎圖

燕飛香

新綠長魚苗漾。寒潮點點飛花。飛絮南浦碧雲低。東風軟。又送幾番疎雨。沉沉望極。採香誰到。銀塘路。最惜芳

洲春漸老。寂寞碧桃千樹。何人雙槳。凌波倚孤篷。乍聽烟中人語。鷗鷺共忘機。閑情遠。還逐亂紅流處。獨憐

倦旅懷君。杜若空延佇。何日扁舟同載。酒吟遍。芷汀蘭渚。飛燕歸。淡巴菰。玉照。珠璣。無雙。

天香

淡巴菰

玉照珠璣無雙

芳訝熏蘭温。疑炙麝牙。筓縷縷香噴。曾采忘憂。更憐服媚。底事遜伊清韻。何堪忍。俊看小醉已添微暈。縹緲吟

情正遠。明霞幾番徐引。羅囊漫愁。易盡望瓊沙翠雲。連吟試摘。早春細葉露芽。同嫩最憶甘回舌本。便一片

氤氳六窻潤。無限相思。夢闌酒困。黃庭經六窻烟分注六窻肝也

祝英臺近

同述庵蘋花水閣聽雨和竹嶼作

竹聲喧蓮漏。杳螢火點遙。暝白社閑。經暗雨滴苔徑。正看簾影迷濛。簷花零落。十年夢燈前重省。綺牕迥還

又酒渴三更。潺潺滿清聽。忽憶空山飛瀑瀉。雲磴最愁翠蓋珠傾。紅泉玉漱。漸飄盡風荷千柄。

選益百宜嬌

山塘微步有見

風詩千林

草襯柔茵柳垂深幕閑趁翠堤游衍波影搖晴煙光弄
暖脉脉芳情誰遣命儔嘯侶早目送飛瓊游伴儘盈盈
悄立風前鬢雲偏障紈扇凌波步穿花緩緩只隔小
紅橋便如天遠遮莫無愁不應有恨何事雙蛾顰淺鈿
車去也但約畧嬌鶯低喚擾吟魂倚遍斜陽欲歸猶懶

選

鎖窗寒

園居對雨

柳幕藏鶯花房隱蝶碧陰籠院林柯潤雨是處綠酣紅
泣漾輕舟垂楊畫橋縠紋輕漲銀塘滿憶越溪前度孤
篷搖夜不勝清怨折簡呼吟伴試盡捲湘簾共飛翠

蓋沉沉深酌一任簷花零亂怕明朝輕暖弄晴禁烟百
五春又晚聽呢喃訴盡新愁有棲香雙燕

南樓令

病起

深院捲簾看雨晴花滿欄恁東風猶滯餘寒葉底流鶯
空自語能幾日又春殘曾上砌綠苔斑園扉鎮日閑倚
琴尊苦憶清懽聞道西郊芳草碧還料理舊吟鞍

一重倦尋芳

送春

絮飛翠陌花亂紅亭芳信催晚開到荼蘼幾度嫩寒輕
暖碧水如雲環繡谷綠陰似幄遮蘭院記垂鞭過瓊樓
十二畫簾齊捲又爭奈雨疏風軟落蕊零香魚浪吹

國朝詩集卷四十一
六
遠采菘人歸取次踏青情懶杜牧長吟禪榻句。崔徽空
寄重門怨。更何堪夢醒時。曉鶯猶喚。詞話正續成實賦

選派清波引

懷西湖舊游

一重芳樹耿斜照碧雲欲暮琴尊秋墅捲簾自容與雁
聲正搖落滿眼又驚寒序等閑開到芙蓉倦遊客渾無
緒。自西冷小住綺筵畔曾賦秀句舊歡頓阻夢雲杳難
度。遙山渺天末空憶年時眉嫵。那更重聽菱歌斷橋西
路。

正春瑶花

登城望西山殘雪

凍雲乍解欲霽還陰露瑤岑微碧冰痕界道晶輝漾零
玉峯腰猶積冷侵吟骨強攜酒憑高望極想沉沉山北
山南幾處向迷樵跡。還思阿曲幽人靜掩荆扉僵卧
雲宅籬落無人算此際凍蕊疎枝誰摘閑情恁遠空自
憶蹇驢遊歷又荒城清角吹寒澹月一丸搖白

選高陽臺

題梅窻女史詞後

眉譜慵翻繡床倦倚烏絲愛摩瓊牋滴粉搓酥擬將蘭
畹花間愁多應把吟毫遣。怕吟成翻惹愁牽。思綿綿乍
瀉春泉還韻秋弦。玉臺麗製人爭羨歎從來雛鳳台
配嬌鸞却怪羣真無端催赴蓬山。優曇零落珊瑚碎剩
雕華爭忍重看最淒然風觸么絃露咽啼鵑

選華探春

柳堤鶯轉

金縷垂垂翠烟裊裊回首池塘綠遍曉日方籠午風徐
拂誰向濃陰圓轉纔覺花朝近便訴與春愁無限也知
嬌小堪憐弄晴還又相喚夢覺綠窻人倦正冶思迷
濛愛伊覲睨水榭閑凭隱囊斜倚消却鳴爐香篆斗酒
餘清興好音在幾回低勸老去詩人但驚芳訊催晚

瑤華

巖東霽雪

風生絕壑葉盡高柯漸蒼巖凝素冰花弄影延眺久寒
色低籠雲塢迷離銀海又還見遙岑微露恁幾重飛絮
飛瓊半作畫簷冰柱初陽曉射林端看見漾晴光谷

鳥時語東風乍試早瘦了竹外寒梅幾樹凍痕盡解更
妨却前溪樵路問何人青笠紅衫相訪白雲深處

選徵招

白堤微步

紅蘭委露蘅香歇長堤柳絲空裊一抹夕陽中聽晚蟬
林杪西冷回望好祇可惜蓮歌聲悄步障收餘鈿車歸
後翠烟如掃側帽偶經行牽愁處猶憶燕昏鶯曉開
徧木芙蓉嘆秋容漸老窺簾人杳杳定未覺杜郎重到
待攜酒弄月湖陰喚笛船迴棹

選西子妝

蘇堤看芙蓉

柳葉陰疎藕花香褪木末遙憐秋爽平堤斜矗赤闌橋

國朝詩經卷四十一
細車來拒霜初放。盈盈翠浪。浸一片明霞蕩漾。似仙姝
把粉痕勻罷。鏡奩低向。呼蘭漿幾處吳娃擁楫。遙凝
望。深紅淺白。嬌如許。倚蘭尊。莫辭清賞。金波又上。把芳
影。描歸羅帳。怕重來。閑却西泠畫舫。

又 西溪

溪影連雲林。光罨畫極望。乍疑無路。烏篷一葉。信樵風
沂明澗。渾忘修阻。灣環緩度。悄驚起。圓沙宿鷺。碧山迴
愛參差。花港曲穿村塢。耽幽趣。漁弟樵兄。總傍蘋洲
住。陰陰桑柘。綠遮門。漾炊烟。漸迷香霧。冰梅萬樹。想紅
萼。春時初吐。悔塵蹤遲向。芳源問渡。

胡奕勳

字力堂。平湖人。乾隆三十
年舉人。有蓴菜詞一卷。

選 清平樂

秋柳

烟疎古岫。張緒而今瘦。莫是春風狂舞後。贏得雙蛾常
皺。最憐宵雨。淒淒枝頭不。宿黃鸝。爲怕行人折盡。飄
來都是愁絲。

木簷鳳凰臺上。憶吹簫。舊歡與平恩。彈敲。戲與齊舍東。

烟鎖妝臺。塵昏匳鏡。蕭蕭一夜風寒。悵細分釵。斷已是
經年回首。那堪細憶。停鍼繡絮。語牕前。淒涼是暮鴉泣。
樹孤鴈嘶烟。情牽此生已歇。更何問他生。再結情緣。
判夢回中夜。淚落衾邊。任倩江郎采筆。寫遺恨。難盡雙

箋怎禁得穿帷素娥偏照團團

金兆燕字棕亭全椒人乾隆三十一年進士官揚州府教授

八歸題述庵先生三泖漁莊

孤楓變紫疎楊剩綠磯畔穩繫片牒垂竿靜對湖光好

休管老魚吹浪敗蘆飛雪應嘆平原輕遠適便舊舍東

西相隔最可惜滿目秋容總付采蓴客空歎長安久

滯鷗盟猶在夢裏烟波千疊冷雲漁屋斷霞曾步一在

寒潮生滅但家山指點歷歷遙青九峯接歸休去可容

添箇小小瓜皮同君閒擁楫

揚州慢湖上餞辛楣學士入都同賓谷裕圃對琴

殘雨迎秋斷虹收暝綠楊一片城西倩湘靈妙詠寫遠

黛峯齊羨書畫扁舟到處酒人詞客襟袖爭題奈沙鷗

涼夢今宵偏隔前溪俊遊舊侶憶當年樽酒同攜悵

盡日重尋紗籠粉堵塵蹟都迷此後玉堂清夜應還念

茆舍疎籬怎簫聲聽罷停觴旋更歌驪

汪孟錫字康古秀水人乾隆二十七年召試內閣中書三十一年進士官吏部主事有語

水詞

選曲遊春苑亭招同踏春郊外以雨不果晚命酒小酌

帝里春如海問惜惜門巷春到何處酒旆茶帘引東風

吹綠連天無路冉冉斜陽暮怕明日尋春春去數遊車

齊轉天壇釀出一城酥雨。喚侶壺觴誰主快美醞頻。
傾高唱交吐莫說江南正清明。土冢斷腸兒女孤艇空。
橫渡筭千里青袍應誤只辦醉月題花間情再賦。

陸王任 字二柳吳縣人監生官簡州知州有借石倚聲一卷

齊天樂

紫泥唱起花間垓。雍門最憐韓女飲罷黃泉吟餘白雪。
剛歇小庭疎雨非鱗非羽嘆辱在泥塗發聲清苦一徑
籠煙過雲高唱。孰憐女。儂音知合舊譜十香人聽月
催按腰鼓牡蠣墻邊羅裙匝地。竚把衷情相訴微風細
度。喚小玉尋秋滿身花露漏下無人玉階秋意古。

陳 嵇

字元山錢唐人乾隆三十三年舉人有壺春詞一卷

真珠簾

九日雨中泛舟孤山訪李道士不值

扁舟自載黃花酒。倚西風却被汀鷗驚瘦。袖拂水雲邊。
認亭欹衰柳幾日不來秋色換。悵戶掩殘爐依舊知否。
前度劉郎尋詩來又。試問鶴借逋仙便江樓吹笛問。
誰招手。俛仰百年中醉幾番重九。細看萸囊成一笑笑。
夢裏羽衣何有。迴首待蘇徑扶筇早梅時候。

春從天上來

辛丑燈宵

把酒沈吟記星橋橋外親見遺簪。官袖藏香繡簾吹笛。
春色偏惹題襟人在踏歌聲裏。渾不省壺箭沉沉到如。

今在滿階明月。總不關心。橫琴小樓燭炮。算只有梅
花是我知音。無奈東風。又慳芳信。隔林好夢難尋。幾處
戲嬰庭院。燈疎淡簾影。深深理重衾。怕新年詩鬢一
髮愁侵。

選

百字令

霜鐘

隔林蕭寺。正蓮花漏盡。一聲初動。樓外風光疎影斷。留
住人間殘夢。孤雁號更老。蟬耐冷。幾杆穿雲重。蕙爐猶
煖。忍教眠對深甕。迴憶楓岸移舟。燈昏漁舍。十里愁
中送。暗葉敲牕。欹枕穩。莫問三生誰共。消盡閒情。添些
華髮。起把陶琴弄。老僧知未。景陽宮井。曾凍。

選

淒涼犯

星期暗數銀灣冷。芳華自此流去。紅薇院好。舊時燕子
別家簾戶。遙峯翠吐。似羞學徐娘淚。嫵問破窻芭蕉多
少。寫得斷腸句。漫溯嬌癡日。玉鏡妝梅。銀牋詠絮。香
羅袖。底也曾摹鳳臺簫譜。春夢無憑。却化作天涯暮雨。
倚高樓。明月萬里。叫杜宇。

選

西子妝

好夢如春好。春如夢。待與箇人分判。一年心事。賣花聲
最消魂。樓高天遠。遊絲自懶。又何苦東風拘管。燕子來
時。問幾家簾下。幾家簾捲。瓊簫斷。半榻芸籤。忍把流

光換畫闌一帶碧。無情是年時。聽鷓鴣池館。冶遊醉伴也。休要壚頭驚喚。過清明。庭樹無人翠滿。

望湘人

厲樊榭徵君城東雜記二卷乃門人村舍手鈔書法秀勁展玩如新余嘉其好古之篤而深痛其短年也因作此詞弔之高唱秋墳庶幾破涕為笑乎

正秋聲滿耳。秋氣滿懷。短檠昏似書眼。蠹走芸籤。薛封湘管。忍把銀鈎重玩。菜占東門。竹荒西嶺。啼鵲何限。記那年收入巾箱。半是錦囊詩卷。誰道霜欺楚畹。悵亭前。載酒酒醒人遠。問眉月池塘。近日戲鵝。誰換文章信美。雲煙須散。舊怨難消。新怨還又惹。東郭先生淚灑西風。千點。

滿江紅

寒食夜題吳穀人有正味齋琴言

風到桐枝又散。作半簾香雨。芳草外。綠煙千里。角聲催暮。狼藉燭花。猶有淚。惺忪燕子。渾無語。笑今年。折柳倍關情。蕢洲譜。門閉也。傾薇露。香燼也。添蘭炷。把梅溪喚起。問誰千古。短鬢不禁寒食夜。斷魂又逐風流句。怕雙鬟。賺我趁梨花。旗亭去。

曹自盜

字忍庵歙縣人監生官戶部員外

邁陂塘

題三泖漁莊圖

漾粼粼微風吹縹空。明百頃如練。結廬溪畔。同煙艇繫。住垂楊弱線。安几硯。愛靜著。敲書永晝。拈筠管。斜陽弄。

晚對幾點螺痕一行雁字倚檻豁雙眼垂綸手卅載
京華游衍更教滇蜀遊遍籌邊草檄勛名重萬里功成
初返麟閣顯鎮未許閒身自乞歸蕭散舊圖重展指蘆
荻蕭蕭漁舟箇箇幽興正無限

汪啟淑 字慎儀號秀峯歙縣人監生官戶部郎中有蕭雅詞一卷

蝶戀花 榆錢

子母羣飛凝碧露燕募鶯收繚繞花深處侵曉苔階拋
幾許沈郎愁向城南去借取游絲指作縷破悶穿成
買斷春歸路姹女風前空自數春光畢竟難為主

陶元藻 字篁村會稽人貢生有香影詞四卷

山齋雨中花 送戴玉洲之金陵

垂楊綠遍河橋路恁長條挽舟不住六幅蒲帆半囊襍
被已在雁聲底處雙魚倘尾行人去休忘却西陵雲
樹離夢迢迢情懷脉脉一片秣陵烟雨

夜行船 山莊秋夜

過話漁樵歸去矣聽招提晚鐘乍起零露溥溥飛螢箇
箇一碧天光如水舊宿寒鴉猶未徙印寒泉塵襟快
洗待到宵深月高風定夢在木樨香裏

采桑子 桐廬舟中

浮家不畏風兼浪纜罷炊烟又裊茶烟閒對沙鷗枕手

苦多及及弓詞
云引買書為
買不受榆錢
賄是此句精

眠寒晚來人靜禽魚聚月上江邊纜繫灘邊山影松聲
共一船

城頭月螢百風吹夢五木熟香寒

蕪城萬箇何年聚零落猶如許臨水瓜棚倚墻花架薄
暮常相遇畫樓高處因風舉錯認飛星度繞罷井闌

撲殘羅扇還坐人衣去

臨江仙同李姬桂芬泛舟湖上

一棹段家橋外去白髮對紅顏船窗同看水雲閒軟玻
璃內倒映夕陽山皎潔水輪湖岸起清光十倍山間
山齋燈火莫招還有情天好忍舍蓼花灣

邵玘字珏廷青浦人貢生有花韻館詞七卷

更漏子

半含桃初綻柳正是可憐時候纔見面已知心春情忒
不禁畫闌邊妝閣畔好箇深深庭院花匝月朦朧

衣香葉葉風

浣溪沙秋閨

策策初飄金井桐西風依約到簾櫳晚妝情態儘春容
鬟濕露華雲細膩裙扶花影月朦朧小闌干外鬧秋

蟲風吹月問

邵夔炎字珉高號玉藻青浦人諸生

選 洞仙歌

為王述庵題青溪小像

揚州烟月問誰借。玉潤獨倚屏山。理吟鬢。記梅邊蠟屐。竹下彈碁。閑風韻不減。謝郎劉尹。西園花盡也。藥影。茶香偏向芳時易。愁損幾摺柳絲。風暈碧羅衫。應難禁。春寒成陣。正暮雨瀟瀟。唱吳娘好膩了。紅牋。搓酥滴粉。

諸廷槐

字殿掄嘉定人貢生有蝶庵詞一卷

選 踏莎行

淡日陰陰輕寒翦翦。芳郊草色和烟遠。澀苔侵徧舊迴廊。鸚籠玉鎖都停喚。垂柳闌干無人。庭院倚簾吹弄。楊花轉。海棠枝上欲黃昏。濛濛細雨雙歸燕。

選 探芳信

川升陽老人韻

卧春晝正一枕銀屏未消宿酒。甚題紅人杳。闕情尙如舊。重門深鎖空庭雨。滿地梨花瘦。靜陰陰翠冷筠簾綠。深苔發。窻外晚風驟。歎花落隨流雲飄離岫。芳草江南。能禁斷腸否。寶釵樓上闌干曲。莫去閒搔首。近黃昏。烟縷絲絲舞柳。

王方恒

字元成嘉興人。有亦是山人詞。

選 惜餘春

送春

燕子愁紅鶯雛學語。一霎催教春老。心隨豔景日送香塵。孤負滿隄芳草。拚得今宵夜闌秉燭。追遊也嫌遲了。

恨河橋楊柳遮留無計碧絲空裊還記得前度笙歌
蘭橈停處宛遇錢塘蘇小韶華暗換別緒頻牽那管倚
闌人悄漫說揚州倦遊薄倖蕭郎青樓夢杳怕東君歸
後烟花南陌更無人到

朱景輔 字小山江南華亭人諸生有寄雲詞一卷

選憶秦娥 否寶琴對上國千曲莫去問絳首改黃香

雞聲杏紅樓夢斷春將曉春將曉桃腮杏靨那人嬌小
東風燕子雙飛好眉梢著得愁多少愁多少棗花簾
捲鴨爐香裊

國朝詞綜卷四十一 十八日此小漢史一卷選口十九首

國朝詞綜卷四十二

青浦 王昶 纂

林蕃鍾 二十一首 沈起鳳 十首

汪不煥 一首 張大垣 一首

程晉芳 一首 孔繼涵 一首

施小燾 一首 蔣元龍 一首

高文照 一首 吳蘭庭 一首

汪如藻 一首

林蕃鍾 字毓奇號蠡槎吳縣人乾隆三十三年舉人官華亭縣教諭有蘭葉詞一卷

沈桐威云蠡槎有精選南宋四家詞以石帚玉田為宗而旁及于草臆梅溪故鍊句研詞

來多少春情。

翠禽飛盡。烟入疎簾暝。曲曲屏山閑小景。望裏江南遠。

近東殘花飄落。金樽樓頭暮雨黃昏。一片綠陰芳草春。

歸如夢。無痕。

選對浣溪沙。與姊妹各容容。那亦春寒。又出絲絳。風畫。

檻外宵深漏點遲。乳爐香繞玉罌罍。柔魂消盡一燈知。

寶鏡不須臨。月照玉笙會聽。隔花吹滿襟。香露立多。

時。上寒。登香。今。文。不。四。第。五。分。合。山。水。表。八。分。中。

選風齊天樂。書朱耘樊涉江采芙蓉圖卷後。

疎風吹到銀塘暮。依依舊時芳景。望斷湘波。美人甚處。

一片孤烟空冷。紅渠掩映。乍塵淨。秋容鏡。涵香影。寂寞。

沙洲有人。獨自繫烟艇。餘馨還繞素袖。晚來空自折。

時助幽興。翠葉生涼。紅粧易老。愁入輕陰。殘暝。相思試。

省正小立江皋。露涼人靜。水調歌殘。謾驚鷗夢醒。

選女玉樓春。寄友人。醉臥其日。醉臥一。醉臥一。醉臥一。

羅幃小障。殘寒淺。訴到深情鶯語軟。城邊風約角聲來。

窗外月和花影轉。相逢慙遣愁娥展。惜別每嫌銀燭。

短。今宵有酒為君斟。明日畫橋春共遠。

選春探春慢。送陶淨荷歸杭。并訂明春西湖之約。同枚庵賦。

探春慢。送陶淨荷歸杭。并訂明春西湖之約。同枚庵賦。

潮落沙平水田岸曲新愁都入南浦草色分涼蘋香吹
晚秋滿畫橈移處日暮鄉心急料殘夢寒飈隨去相思
立盡河橋夕陽還在高樹長恨相如游倦奈水色山
光佳約偏阻寶瑟聲淒古琴塵滿君去不堪重撫次第
探芳信謾冷落故人樽俎甚日相逢一簑湖上烟雨

選五春霽不果赴鄧尉探梅之約寄蕢漁

玉笛聲中問幾處東風吹到江國月淡留痕雪深無影
翠禽乍窺春色俊游未得遠峯數點凝寒碧最可惜如
此歲華都負舊相識還望瘦影立遍溪橋尚留餘香
閑待吟筆想空山幽人去後天寒誰與伴岑寂一片遠

情雲水隔鎮斷魂處夢到竹外沙邊冷烟應在夜深荒
驛

選珍珠簾石湖為白石老仙游衍地也秋夜泊舟有感而作

暮帆微覺西風勁正閑看幾處疎林殘暝秋色畫橋邊
引十年游興柳外新蟾涼意淺早澹了碧溪雲影人靜
愛入棹蘋香翠痕千頃重問舊日詞仙有花飛玉笛
雪依孤艇零落翠樽空幾月圓如鏡今夜湖光留我住
但夢與間鷗俱冷還省又隔院飄來一聲清磬

選踏莎行盡入畫圖中一古韻

廢苑春闌空齋寒貯醉魂繚繞尋芳去簾波微動撲香

國朝詩餘卷四十二
四
塵。梅花開遍無人處。舊雨難招亂雲空暮吟窗清盼
渾無語愁心盡入畫圖中一行歸鴈瀟湘渚

選 瑤花 白秋海棠

塵清玉砌粉落銀墻。綴晚花微白叢叢密布對素影鬢
鬚玉人標格澹烟過雨和一縷香絲飛出更無言自顧
嬌姿冷浸小庭月色。別離已是經年看清淚無痕深
夜猶滴鉛華謝了。凝恨處一點芳心誰識。亂蛩聲裏謾
散作滿階幽魄。想露華正恁凝寒遙望素秋岑寂。

倦尋芳 落梅

薄寒未散誰遣飛花吹墮芳逕斷粉零香惆悵晚風不
定流水荒村人自遠清燈紙帳魂俱冷寂淒涼又一聲
玉笛宿醒微醒。記幾處相逢籬角素月幽輝尙照殘
影夜色閑階。春事漫教重省。雪意漸消芳思淡烟痕初
化寒江暝甚相思曲欄邊有人還凭

選 浣溪沙 八月十九日夜過潤城

漠漠寒汀起暮愁。平蕪吹綠送行舟。烟波只許傍閑鷗。
帆影涼生明月夜。燈痕人在隔江樓。秋花風裡過殘
秋。

選 憶舊游

秋夜水榭閑眺暮雲飛盡仰見明月偶影
露坐有天涯舊游之感因綴此解

正微醺乍醒暮景沈沈閉拓紗窗如此清輝好奈浸人

羅袂氣冷如霜。倦來又聞砧杵幽恨那能忘。漸小夜將
 闌。虛庭籠白倚遍迴廊。茫茫舊游遠但。月破秋痕花
 裊餘香。幾處蛩聲急向暮烟叢裡猶訴淒涼。試教夢魂
 尋去。孤影繞滄江。怕玉笛驚殘。關河萬里空斷腸。
 綺羅香 酒帘同一柳賦

屋角遙懸林邊掩映倦客翠樽何處閃閃斜陽。一帶小
 樓日暮。依嫩綠楊柳新陰分餘潤杏花微雨最憐他孤
 影春寒踏青人向那村去。鷓鴣空自典盡又是宿醒
 乍醒還添情緒省識門前待約采香儔似盼望驄馬
 初歸慣紫繞醉魂小駐。問年時招飲當壚舊游還記否

式南浦

薄霧散愁陰愛清游池閣霽痕初曉殘葉下西風芳隄
 外一逕冷烟未掃微茫遠渚參差幾點賓鴻小回首碧
 天空濶處好景偏憐秋老。此時獨立蒼茫想杜陵老
 去吟悵煩惱有幾古今愁凝淚眼彈與露花霜草蒼苔
 踏遍斜川境僻無人到最是多情留客住一片疎林殘

照

與宮春

歸音意

小部留此一陣矣意甚善來讀信未小

選 梅子黃時雨

江邊觀人送別愴然賦之

殘葉離亭正臨別黯然聊共樽酒甚解纜滄波催人分
 手一片愁痕空極浦半江暝色迷寒岫孤村口落葉晚

國朝詩話卷四十一
六
蟬尚抱疎柳。偏負歌雲舞繡。漸傷心。望到幾處亭埃。
笑我亦飄零。淚痕盈袖。涼意尙餘。花影外。月明空照人。
歸後。重回首。玉欄夜寒依舊。

慶宮春

小梧留杭一載矣歲暮書來歸計未卜以詞寄意

天濶生寒樓高憐晚夕陽自隱城堞誰念芳盟傷心重
訴琴絲歌罷終闕翠樽留伴有多少荒亭倦葉關山何
處斷鴈聲中暮雲低壓客游謔問音塵越水吳山頓
成淒絕燭暗窗深酒疎夢遠人對西風離別舊時江岸
正重待扁舟載雪關情應有孤嶼寒梅一枝空折

沈起鳳

字桐威號蕢漁吳縣人乾隆三十三年舉人官祁門縣訓導有吹雪詞一卷

重出

漢卿蹊徑

蕢溪梅令

小塹山下水溶溶記相逢欲採蘋花可惜過東風午橋
烟雨濃不如歸去夢簾櫳小樓東留得欄干一半月
明中夜涼花影重

選 謁金門

風乍定無數落紅滿徑向晚疎簾寒一陣小窗燈欲暈
小何處秦臺簫韻喚起江南離恨夢裏玉人樓遠近燕
歸花氣冷

選 菩薩蠻

小屏山外春雲晚。柳絲無力東風軟。花氣冷于秋。畫欄聽雨愁。
樓頭沉暮靄。不盡前山翠。夜色動簾衣。臥看雙燕歸。

感皇恩

流水謝橋灣。幾行柳色愁。損江南。舊相識。亂雲向晚人。
在江樓。吹笛欄干空倚。遍天涯客。舊雨情懷阻。風蹤跡。喚取佳人共游歷。
雲深月淡。幾處瑣窗寒。碧露濃花重也。歸時節。

選 浣溪沙

淮城夢草園。余童時釣游地也。別來忽忽二十年矣。戊子之春。遇芥山於白傅堤邊。

作此寄意

幾度天涯夕。照殘美人家。在碧雲端柳邊。小閣一春寒。
芳草如烟空極浦。疎花留月共闌干。好懷何日對江山。

山

選 玉蝴蝶

攬秀亭錄別

涼意乍歸庭樹。西風葉底。說與哀蟬。野色閉門斜陽却。
照離筵。楚天遙。亂雲如夢。謝池曉。秋草如烟。想依然酒邊風月。
笛裏山川。堪憐。幽花謝也。又看黃葉。起舞樽前。江冷丹楓。
勸君且駐木蘭船。青衫雨。今朝別淚。紅橋月後。夜閑眠。怕無端。
愁縈錦瑟。損盡華年。

選 三姝媚 曉發古城忽忽有倦游之感

征衣寒未減。正霜飄荒原。潮平古岸。游倦相如。奈匆匆。
恨別離亭送遠。斜月初沈。秋正在曉天新雁。倚遍河橋。
茸帽鞭絲。客懷都嬾。多少叢臺廢苑。料幾處殘砧也。
停秋怨。我夢江南。悵謝橋柳色。江花同晚。如此溪山。空
喚起西風愁眼。繫馬歸心。散入寒鴉千點。

選 高陽臺

日暖鶯眠。烟深花醉。江南愛是新晴。乍剪羅衫。餘寒猶
在園亭。東風莫怨紅梨謝。畫樓西。吹轉簫聲。想幽情。隔
斷疎香。幾處簾旌。尋詩載酒。渾無思。但閉銷湘。簾靜

數窗。橘小徑。吹花妨他病蝶。都驚夜屏。依約人何處。伴

歸魂。照盡寒燈。夢雙憑。舊日紅欄。明月重生。

選 慶春宮 露華在水。明月同舟。江國梅花。依依入夢。

波遠生烟。雲低分暝。荒江日暮。回首木葉。亭臯傷心。望
極飄零。誰共樽酒。斷橋霜月。照江國。梅花開否。關山此
夜。幾處闌干。露華依舊。閒庭拾蕊。吹花詞客。生平畧
會消受。孤舟蕩雪。疎燈夢雨。歸去春衫。剪後小園。那樹
倚風雪。佳人翠袖。如今無奈。津鼓烟鐘。助人清瘦。

選 入歸 夜泊寒江感夢而作

滄波送晚。平蕪吹綠。客心易感。秋色幾番。載酒尋花。後

又見戀人斜照。辭條殘葉。倦網漸收。沙際影蕩。初月一痕。寒碧認隔岸。幾點漁燈。隱隱出蘆荻。多少墜紅芳信。西風吹盡。付與江天殘笛。斷橋霜冷。空山露下。幾處猿聲啼出。想雲低銀漢。十二闌干在天末。燈昏也。夢魂尋去。柳外花邊。溟濛江上月。

汪煥

字筠章。宜興人。乾隆三十四年進士。官崇安縣知縣。有見山書屋詞鈔二卷。

蝶戀花

柳眼嗁烟花泣露。聚碧圍紅。扶得東風住。一夜無情榆莢雨。天明和淚歸南浦。春去春來年幾度。芳草迷空。遮斷行人路。莫遣飛花隨絮舞。天涯漠漠無尋處。

摸魚兒 感舊

又重經昔年南浦。驚心景物。非故枇杷門掩。紅闌曲記。得箇人曾住。尋舊渡。但滿目膩紅柔翠。閑庭戶。柳絲自舞。愁燕語分明。桃花流水。隔斷武陵路。空延佇。又釀一天疎雨。和愁縈織。烟霧蒼涼。猶認懸崖樹。長送征帆來去。歌別賦。君不見滌波芳草。無重數。離情漫與。莫自倚江樓。斷雲天外。幾點雁飛處。

張晉瑱

字商言。吳縣人。乾隆三十五年舉人。官內閣中書。有竹葉庵詞一卷。士官。

虞美人

春夜回文

青鏡凍入寒梅小。歷歷箏彈妙。細香東閣夢成初。只怕

鳳綃鮫淚隱含孤
孤含隱淚鮫綃鳳怕只初成夢閣
東香細妙彈箏歷歷小梅寒入凍燈青

程晉芳 字魚門歙縣人乾隆三十六年進士官吏部主事以校勘四庫全書改編修

菩薩蠻 題對琴詞

細梅多處安琴薦玉爐裊碧烟如綫流響兩三聲山空
秋月清雨閑中編小史次第傳宮徵微意少人知譚禪

兼說詩 空映分天類

孔繼涵 字體主號莊谷曲阜人乾隆三十六年進士官戶部主事有斷水詞三卷

鵲橋仙 立夏日寄瘦銅用留別韻

淒涼若此一庭花影只伴紅襟燕語者般已是嬌人心

又幾點梨花暮雨 零星柳絮蕭疎書榻都是無情伴

侶雲門一帶碧裙腰空立盡斜陽紅處

施 字象成仁和人乾隆三十六年舉人官天台縣教諭

選 踏莎行

匝地新紅遶城濃碧風風雨雨催寒食一年花事只三分
歸來燕子空饒舌 髣髴羞看韶華虛擲鶯梭柳線

將愁織多情強着舊春衫酒痕銷盡啼痕濕

蔣元龍 字乾九秀水人乾隆三十六年副榜有桃花亭詞一卷

選 憶江南 敬堂舊有樓冷一燈紅句訖未成詩予心賞有年因補成是闕使敬堂見之當不笑為黃九慣竊也

深院靜。簾外雨濛濛。夢到江城人悄悄。酸雞啼斷五更風。樓冷一燈紅。

選。鳳凰臺上憶吹簫。題王生秋隱月底修簫譜圖。

月影窺簾花香透。幙杜郎慣自傷春。任蠟灰和淚剪斷黃昏。多少情絲恨縷。吟不盡粉印脂痕。人何許。紅闌咫尺。一朶巫雲。真真酒懷惱亂。聽纖指參差譜出櫻唇。笑千卿何事。翠鎖眉顰也為淒淒切切。愁煞了紈扇羅裳。從今後。沙家嫩兒。記着銷魂。

高文照 字潤中號東井武康人 乾隆三十九年舉人

百字令 贈蔣春雨在秋白

三年彈指怪風流。雲散別懷如雨。橋李亭邊重見面。依舊雁賓鴻旅。問訊林塘故人無恙。添得新詞句。相思前度。月明千里同處。回首瘴霧漫天。蠻禽格磔啼斷。重樹判取離魂。消絕域誰道還聯伴侶。潭水情波蓬蒿舊徑。偕隱倘相許。烟蓑雨笠五湖料理家具。

吳蘭庭 字胥石歸安人乾 隆三十九年舉人

百字令 題三泖漁莊圖

菰蘆滿眼便恍然。置我斜陽水國。蟹舍漁莊人語外。寫出籬根寒碧。斷雁拖烟峭。颿吹雨中有滄浪笛。沙頭鷗鷺舊游多少相識。乍是海上珊瑚。千絲網取去作金

門客圓柳橫雲來夢裡更向籌邊飛檄麟閣功名馬行
燈火重理東山屐神仙平地尊鱸須緩相憶

汪如藻 字彥孫秀水人乾隆四十年進士官德州糧道

選 陌上花 引蝶

芳菲識蚤南園飛徧夢魂無據恣意憐香去去竟忘歸
路一春常在花間活無計與花同住為霜紈戲撲五銖
衣損者番難舞 羨羅浮洞裏餐英嚼蕊歲月藤蘿終
古一點芳心猶在杏梢紅處不成又是莊生幻清影翩
翩誰侶算傷情舊日蜂媒重覓半堆香土
國朝詞綜卷四十二

國朝詞綜卷四十三

青浦王祖纂

魏之琇 六首

宋維藩 九首

程名世 一首

王曙 一首

余夢易 一首

熊鈺 一首

汪昭 一首

楊源 一首

林克鈺 一首

吳展成 一首

唐人宏 一首

章帶洞 一首

王陳梁 一首

張璉 一首

魏之琇 字玉橫錢塘人有柳州樂府一卷

江玉屏

江玉屏云柳州詞筆平正不失為雅音宋人中絕似陳西麓

臺城路

雲溪自湖墅移居東郊

一首

綠陰門巷人稀到
新來忽開生面帶露移花和烟種竹
次第安排琴薦霜豪雪練別寫个東園小堂清宴芳草
沿城晚涼吟望踏應遍
湖山嘗恨寂寞要生花采筆
時與渲染白石風流清松洒落又向如今重見輕舸似
燕儘十里沙河翠瀾橫剪肯約持竿釣絲閱共卷

又

滕王閣

宋

十年曾醉揚州月
深情杜郎能賦子夜徵歌前溪喚舞
曲誤當筵嘗顧披雲撥霧夢想作蒹葭會依瓊樹江北
江南與君相見恨遲暮
冥鴻初別柳苑向西冷古墅
遙集還翥睥睨迎秋
轆轤破曉人在小窗敲句杉籬槿
戶更點綴詩家十分幽趣載酒來尋莫驚溪上鷺

選疎影 柳影

烟梳霧沐正曉波似鏡低映蛾綠
早是東風搖蕩晴光
柔情那更拘束扶將舞態閒庭裏
忽暗度雕闌深曲想
夢雲月底尋來恰臥翠裯芳褥
嘗憶章臺舊路个人
攀折了魂斷難續多謝流鶯重擲
金梭織就輕陰如幄
斜陽不管春深淺鎮淡掃愁痕
千斛看暝鴉疎點銀塘
共蘸一池清淥

共蘋又秋柳

星垂露滴正畫樓悄悄翠蛾凝立悵望西風無限離情
誰人日暮吹笛黃深綠淺長亭路記玉手柔條曾折却
陌頭風景依依不似送行時節 流水飛鴉數點向殘
照欲盡捎動寒碧早是秋光不管銷魂付與疎烟涼月
鶯嬌燕婉人何在更賸有晚蟬幽咽問個時青眼迴波
要待玉梅消息

選更惜餘春慢

三月二十二日泛湖用周清真韵

滯雨銷春微陰閣曉風片謝伊吹斷鶯藏淺綠蝶趁殘
紅還約舞裙歌扇嘗約西冷露蘭寒盡迴汀仍抽餘箭
正晴虹臥彩翠瀾不動畫橈天遠 早是白袷新裁青
鞋乍試恰稱嫩嵐輕染題門小院畫壁旗亭前事水流
雲變回首烟波有人獨自憑闌爲誰嬌倩笑雙眸老去
猶著紅情一點

買陂塘

蘋花

蘸橫塘翠痕零亂吹香時泛波面烟光淡宕搖天影數
葉弄涼葱蒨垂柳軟看白鷺襍蹤雪頂絲同罨澄江如
練更小篋荷錢長牽荇帶一碧共流轉 翩翩處會記
虹橋水殿輕圓斜約金鈿蕭寥坐覺添秋思還襲舞裙
歌扇人未遠悵日暮汀洲柳暉詩情倦青蒲自飈恁目

極江南幽芳誰采惟有浪花濺

宋維藩

字瑞屏歸安人貢生有滇游詞一卷

錦堂春慢

弋陽舟次

料峭寒風吹來晚雨絲絲裊動烟霏却蒲帆幾幅惹破
低迷穀水碧依苔岸柳痕綠上蓑衣前路人家何處蘭
槳清波渡口船歸我亦元真舊侶記桃花流水鷺白

魚肥但鞭絲帽影荒盡鉏犁十載萍蹤憔悴春風閱煞
雙棲今早鷗波亭畔幾個黃鶯啼過簾西

蝶戀花

客裏尋春真莫據雨雨風風暗把流年度牛背夕陽紅

欲暮烟波橫上垂楊渡

沅芷湘蘅成嬾賦燕子飛來

又道春將去省事天工渾不顧草痕不沒愁來路

探春慢

深院閉門竹西小徑春風先到窗罅水際烟寒墻腰月
淡別有橫枝低亞猶記年時事是侵曉曉粧纔罷吹香
同倚闌干忍寒消受清暇一自萍漂梗泛問此日樹
闌蓓蕾多寡連枝雪暗一痕紅袖還否添香燈下只有
尋春夢曾到了當時亭榭料得西牕重簾靜掩深夜

入歸

東坡云歲云暮矣風雪淒然時于此中得少佳趣別家既一年適吟白石道人自石湖回茗溪諸詩悵然賦此

賓鴻嘹唳霜風淒緊簾外暗雨漸歇一尊擁鼻微吟後
猛又乍斷還連打窗聲切燭焰寒消紅一寸報小苑疎
香剛折便乞與呵凍重吟人境兩清絕長是會少離
多而今重省又到年時時節帷屏押處水仙幾朶香影
傍人明滅但迢遙萬里翠被生寒夢相覓漏聲轉此間
除是墻角梅花知余情味別

選 鬲溪梅令

戊子燈節前一日有寄

催花天氣暮寒滋。雨絲絲。正是東風着意做春時。吹黃
楊柳枝。竹屏半掩畫簾垂。酒重持。記得年時燈月影
參差黃昏雙槩遲。

渡江雲

花朝前一日

人家如畫裏漁舟兩兩楊柳弄春陰輕舸風乍轉六幅
蒲帆點破曙江深烟中一髮問遙山何處青青但贏得
波平天遠迢遞送歸心 侵尋厭厭永晝漠漠輕寒嘆
孤蹤誰省便引滿芳尊待勸誰伴清吟江鄉又是花朝
候道花開短髮難簪歸去好啼鶯正滿前林

邁陂塘

題王述庵先生三泖漁莊圖

水雲重澄空一碧柴門開傍紅樹三間小屋橫如艇占
斷魚茵無數閒喚渡更穩載笭箬乘興尋漁侶泖滢歇
浦儘搓霧接烟萼香鱸脆淺醉豆花雨 綸竿在別後

幾番寒暑生綃染出幽趣軟紅十丈長安地潑眼湖光
如許天也妬恁吟藥燒蓮還狎閉鷗鷺遐心漫與算千
騎東方金魚牙笏那許便拋去

臺城路

蟬

午餘一枕游仙夢幾番被伊驚醒園柳陰深庭槐影合
只在最高枝頂柴門晝永漸吟侶參差悠颺不定何許
哀音一絲裊得遠烟暝聲聲只喚遮了伴余緣不淺
幽意曾省候館斜陽馬頭疎雨約畧年年秋信壯懷消
盡便有日彈冠貂茸並映鏡裡流年清霜凋鬢影

桂枝香

題畫蟹便面

漁莊雨雨正傍水閒田稻黃時候猶記柴門語沸草泥
聲驟西風不瘦無腸客一分秋一分肥透緯蕭截處篝
燈微颺青筐如繡漫道是新詩吟就看束縛寒蒲尖
團到手却稱橙香薑嫩霜螯試剖江鄉風味經年別詫
含黃盈盈懷袖甚時歸去蓴鱸烟雨共傾杯酒

程名世

字筠榭
江都人

王疎影

同人坐雨

瀟瀟鎮日看倒傾練影一線懸壁勝侶情深著屐來尋
破我虛堂幽寂閒階嬾課奚童埽任到處苔青莎碧倚
曲闌清話纏綿剪燭不辭今夕最好風流俊賞十年

重握手殊慰胸臆正好夷猶花外尊前灑落春風詞筆
漫教又挂征帆去便冷卻揚州吟席怕晚風吹散千絲
兩地月明同憶

王翹曙 字東田江陰人諸生

選 木蘭花慢 白門秋柳

聽寒蟬一樹青溪外暮潮收記花落板橋春深南院烟
鎖紅樓風流幾番回首便亂鴉啼斷六朝秋衰艸西風
邀笛阿誰寶馬重游 眉頭不似舊溫柔老去見應羞
更龍江夜雨石城曉月送盡蘭舟須留舊時燕子共烏
衣古巷夕陽愁何處重逢桃葉澹煙凝雨芳洲

選 醉蓬萊 金陵懷古

弔青山多少金粉風流總歸何處衰艸茫茫盡南朝邱
墓白下城邊華林園裏有夕陽來去俛仰人間花開花
落便成今古 七夕針拋景陽鐘斷六代繁華西風禾
黍一帶寒蟬是臺城舊路為問當年飛飛燕子更夢誰
朱戶如此江山傷心小庾江南詞賦

余夢易 字硯南歙縣人

選 一萼紅 初春雪後梅花始放坐雲木相參樓有懷

掩柴門有橫斜幾樹冷壓半庭雲熨帛長空鋪銀小徑
行吟翻斷離魂想近日四橋歸客伴花前孤鶴守清貧

淡月房櫳嫩寒天氣牕外疑君
應是水邊林下向尋
詩驢背浣盡征塵酒約寒香
燈移瘦影相思最是黃昏
算消息江南較早也不須遙寄
一枝春只恐抽帆時候
雪點苔茵

熊鉅

字藕生桐城人諸生

小史云南歸越

邁陂塘

題三泖漁莊圖

訝生綃雨斂烟染三間秋水圍住
湖光增影相依處襯
出重重雲樹來問渡算脫却朝衫
便是漁樵侶細林黃
浦判獨坐垂綸露濃風小吟斷棟花雨
橫雲畔幾載
放春消暑閒中領畧幽趣十年舊事
渾如夢髣髴影清波
如許還自語對畫裏溪山儘可盟
鷗鷺功名付與笑一
事差強長安米貴明日便歸去

汪

昭

原名景龍字綉青嘉定人貢生有碧雲詞一卷

留春令

柳花飄絮桃花零雨梨花鋪靄纔向樽前望
花開又落
盡青苔院
可惜春光人未占
付嬌鶯姹燕算縱有明年再開時
怎挽得今年轉

阮郎歸

無風陰雨細如絲
落花能戀枝
畫樓春色暗
霏微一雙
小燕飛
閒春慢靜支頤
憑闌送落暉
多愁原不是相

思此情知爲誰

飛楊

字雲耕江南華亭人有曼圃詩餘一卷

帶人嬌

垂絲海棠和竹垞韻

細朶低垂柔絲半縮較桃李漫山開晚翠袖翻香脂膚
逗暖似花影穿簾雲鬢微亂雨滴初勻啼痕不斷正
鳳子雙飛尋慣月底延嬌夜深洗瓊記銀燭紅粧偎肩
同看

林克鈺

字式如金山人諸生有南郵詞

選滿庭芳

簾

薄月窺春微風移影沉沉十二層樓蝦鬚搖漾幾摺浪

紋淨垂處半遮人面玲瓏隙一點波流年時事道書慵
把倚枕看梳頭綠窗雙燕語小鬟喚未鎮壓瓊鉤裊
鑪煙細篆千縷還留應怕斜陽飛絮重重護不放花愁
新涼候低分銀蒜水榭更宜秋

重吳展成

字慶咸嘉興人諸生有擘絮詞

買陂塘

書齋憶舊巢燕子

記年時呢喃燕語拂簷曾弄雙影芹根銜得香泥軟飛
上柳梢花頂還自審傍藻井雕梁箇裏棲香穩掠波嬌
後慣紅縷斜拖繡簾雙捲歸去夕陽暝那堪是片霎

西風淒緊飄然旋動歸興重尋恐誤閑庭榭欲去烏衣

選晉壽樓春

吳潤唯史
邦仍百一
肯他生而
考也心相
今

縈春晴纏綿。是風中戲蝶。花外啼鴉。底事晴江無盡。暮
雲無邊。凝望際空生憐。湖舊游依依經年。漸別夢頻增。
歸期倦數。芳月幾圓。唯招隱。休逃禪。算拋將麗景。
分付闌眠。又到江離生後。海棠開前。飛絮亂游絲。牽料
玉人羞爭春妍。趁雙鯉乘潮。臨風悵然題錦箋。

王陳梁

字次辰青浦人諸生

燭影搖紅

自題秋夜較書圖

露白庭堦夜涼。芸館牙籤潤。鳳鞞聯步。捧雲函。排列供
參訂。亥豕沿訛。細認費推敲。丹鉛點定。綺寮幽寂。四壁

蛩喧半簾梧印。花甲餘二眼光。那比當年俊。一編校
罷手。摩杪偏自饒。清興應被小鬟暗。晒怎頻催。蕊煤重
整翠鈿珠。裊紅袖香添。頓忘華鬢。

張

璉

字器之嘉定人貢生有梅泉稟一卷詞附

轉應曲

明月明月。彈指幾回圓缺。江南江北相思。萬里征人路
歧。歧路歧路。那角夢魂飛去。

國朝詞綜卷四十三

宿酒初醒。閒情似水和腸軟。細雨三更。簾外春陰捲。
一樹梅花落向。閒庭院。無人管。冷風過處。點點春愁糝。

選

又

吳

一首

東坡集

一首

瘦骨無情。年年此際慳慳病。小立風前。討箇傷春信。

淡月微雲。作出春宵景。斜還整。斷無人處。卍字闌干影。

選

醉花陰

春困

東坡集

一首

錦幕輕風吹又動。放去惺惺夢。生怕捲珠簾。尺五春陰
壓得眉尖重。滿院姊歸花外。唳測測寒飈送。昨日上
高樓。南北東西芳草何曾空。

選
蘇幕遮

四十四

東坡集

一首

雪初晴。簾正捲。未試春燈。先把春衣澣。第一番風須放
軟。怯怯春魂萬一驚他轉。飲厭厭歌緩緩。驀地思量
春近家鄉遠。細粟柳芽枝上滿。待爾春深。把我離愁結。

小重山

壬辰三月晦日新安客舍

整整春光客底逢。人隨波上下。絮西東。鶯啼草長雨濛
濛。花事盡添倍暮城空。門巷落花中。幾番尋不見。舊
時蹤。餞春筵散太匆匆。簾捲處。三十六遙峯。

選
換巢鸞鳳

王述庵先生招集陶然亭

一首

素景商飈正。羈懷落漠。病思蕭寥。忽飛天外。賞來赴酒
邊。招羣公車。蓋滿亭皋。文雄談綺。書狂飲豪。非此會可

不負鳳城秋好。清眺山容悄。偏愛秋山耐得斜陽照。
對酒能歌。拈花解笑。未損年時懷抱。吟情孤裊。驀停杯
長天看得征鴻小。歸鞍遲鞚。角聲催度林杪。

選湘春夜月

竹簾

問何人并刀擘碎湘雲。掩映綺閣銀權。漠漠漾波紋界。
上一絲絲月。又幾絲絲花氣。約住爐薰。在軟紅十丈。此間
清絕。不到纖塵。昔游還記黃陵廟外。青草湖濱。細認
綠烟一段。有未枯淚點。不斷離魂。晝長空地。看模糊猶
帶烟痕。斜捲處。把冰紋。篋展楚辭。讀罷如見夫君。

雲際沁園春

述庵先生齋頭消寒夜讌卽席賦呈二首

讀萬卷書從十年征歸來策勛有聞名破膽白狼青微
望風稽顙。棘女髯君黔蜀烽銷西南埃一脫劍仍歸鷓
鷺羣承明暇拉一時燕許置酒論文。長安車馬紛紛
只左擁尊彝。右典墳。算才還得福文昌。司命知能兼勇
司馬。行軍絕域功名。熙朝柱石天下蒼生望。雨雲書
生意感牛心。分炙白練題裙。

又

久客京華落拓無成。哈吁莫朝歎名場已醒夢中蕉鹿
酒徒難覓市上荆高。冰柱如山雪花比席。昨夜征衣換
濁醪塵土外。但西山一角冷翠迢迢。朝來寒竟須消。

怪賤子何當折東招却幾層幕底歌圓似豆一重門外
風利于刀顧曲心情當場意氣今日逢公頗自豪明朝
事任紆干雀凍鷗旦蟲號

選

燭影搖紅

燈花

驀地凝眸。蟬紗減却銀缸亮。裊成蘭氣不多些。幻出花
花相深掩。珠屏斗帳。莫教他一絲風颺。金錢罷擲。碁子
停敲。剪刀輕放。莫是明朝。青鸞有信堪凝望。只愁今
夜似前宵。刻意將人。誑憎絕。侍兒憨樣。報聲聲。粧臺斜
傍。且挑香穗。書就桃箋。寄伊惆悵。

蘇高御街行

十三夜借少雲同步燈市

城東昨見青旗轉。陡撲面風情軟。玉簫吹起試燈人。門
巷笑聲烘暖。六街拋得月華如練。今夜無人管。和君
舊是清游伴。奈往事。心頭滿。無情一片。是春雲。隔得雨
家天遠。星橋影。墮踏歌聲散。三歎歸空館。

月華清

十五夜借金棕亭王竹所集少雲法源寺
寓齋因借步燈市

絲麪搓成香。麝煮熟。招攜同話。松院解事。靈妃早擁。一
輪天半。是今年初度。逢圓。祝後會。一樽常滿。行散愛流
輝。紫陌分光翠殿。莫道夜蛾心懶。被幾陣。夜香暗中
勾轉。似水車輪。不遣車中人。見十分清露。下歌聲一例
俊。燈前人面。流玩算年華。暢好忍教輕換。

選 摸魚子

歸鴉

倚柴門晚天無際昏鴉歸影如織分明小幅倪迂畫點
上米家顛墨看不得帶一片斜陽萬古傷心色暮寒蕭
淅似捲得風來還兼雨過催送小樓黑會相識誰傍
朱門貴宅上林誰更棲息幾叢枯木驚霜重我是歸飛
倦翮飛暫歇却好趁漁船小坐秋帆側舊巢應憶笑畫
角聲中暝烟堆裏多少未歸客

水調歌頭

題述庵先生三泖漁莊圖

一幅好東絹烟水煞空濛先生曾讀書處差許輞川同
閒寬釣師客友共飽金齏玉鱸樂事總無窮二面寫晴

柳九茱削遙峯營門外馬背上直廬中時時一展圖

畫歸興滿吳淞已是文章千古又待功名萬里何暇思

秋風魚鳥莫相憶此意在天公

黃土易

字小松錢塘人監生官運河同知有小蓬萊閣詞一卷

買陂塘

馮戶部魚山所收橫波夫人畫蘭卷余見於都門攜歸欣賞為填一闋以歸之

展吳綃乍疎還密芬芳幽谷清曉相如作賦無人買爭
乞美人香草隨意掃問楚雨湘雲叢裏添多少圖成一
笑怪紅杏尙書淋漓史筆却識數行小湘蘭派合共
眉樓爭巧詞人誰不傾倒前朝金粉江流盡只有橫波
縈繞欣看飽悔不向晴窗索取親臨稿如君雅抱料得

見同時臂金解贈未肯讓朱老用竹垞見夫人事

選 臺城路題藝圃執經圖

幾年書劍隨征雁家園夢中春草陌上鞭絲江頭帆影
水驛山程不了開圖一笑羨靜笠閑鋤秫田青繞分饒

人攜一經奇字問多少懽游長記嶺表越王臺上望

珠浦花早荔子紅嬌素馨雪艷不數山陰古道孤雲縹
緲又上谷香塵暗飄吟帽無恙柴門也思歸去好

太玉復字敦初號秋塍秀水人監生官偃

選 洞仙歌花影

闌干幾曲被清輝移上疊疊重重靜搖漾怎游絲不惹

芳露難沾誰悟到豔冶都空色相銀缸相背立小啟

蘭牕忽又迷離近羅幌懊惱隔低牆動處頻疑只誤了

玉人遙望便妙手崔徐也難描但細把張郎麗詞傳唱

花影迷離畫不成元人句也張先號張三影有雲破月
來花弄影句

選 又蝶夢

好春尋徧正花房香靜偷宿雙雙玉腰並料粉衣初褪

紈扇輕離爭一晌栩栩游仙佳境羅浮芳訊杳惜別

多時歸路依依遠難省此際畫樓人枕畔相思應同是

柔魂未醒急分付花鈴莫驚回聽金縷歌殘舊情重證

買陂塘同人譙集湖舫黃小松為作珠溪載酒圖
題詞其上

漾粼粼碧瑠璃淨斷霞紅映魚尾綠流畫舫移來緩休
把鴛鴦驚起簾影裡早銀蒜斜鈎淺露眉峯翠窗邊小
倚正新浴冰肌鬢雲重整一霎晚粧媚金尊畔宛轉
嬌喉欲試珠歌紅豆頻記芳心可識中藏苦笑摩青房
蓮子情似水盼一綫秋河翻怕添離思須教泥醉判坐
到宵深紅搖燭影涼露濕衣袂

憶舊游

同忍庵渡江晚泊京口感舊作

記年年幾度來往乘風雁影孤征又到新涼候恰一帆
安穩同棹歸船斷霞散空成綺落日遠山橫漸北固鐘
魚南徐燈火漏緊高城多情漫回首是雲黯遙天雪

酒長亭重覓停舟處剩蕪蕪滿地淒斷青青遙憶熏香

無寐紈扇感秋深正坐倚篷窗塔鈴獨語江月明

揚州慢

金棕亭招同閔玉井沙白岸汪對琴吳穀
人朱春橋汪秀峯吳並山汪劍潭何春渚
泛舟紅橋看黃葉

東風
溝水流紅園林淒碧那禁一夜霜飛剩荒涼幾樹伴菊
影疎籬更裝點亭皋晚景滲金潑蠟低襯斜暉憶村莊
路遠蕭蕭空掩荆扉舊游人去奈回頭慘綠都非縱
門豔無心耐寒有約飄墮誰依策策西風吹冷深杯勸
酒對鶯兒羨江南歸客燈前色映雙眉時穀人秀峯俱
將歸里

聲聲慢

同人攜酒過述庵先生荷齋小集次韻

簾紋搖漾篆縷縈回碧雲凝住涼虛脆竹繁絲東山逸
興何殊清尊愛攜花下恰天風吹送仙飲音嚶嚶倩情
絲綰就一串明珠感我青衫淚濕悔尋春較晚燕懶
鶯疏聽說懽情清宵繡被熏爐將離那堪持贈惜繁紅
委地如瑜惆悵句試高吟敲缺唾壺

選水渡江雲

送嚴道甫歸金陵

東風纔幾日江南歸思早在玉樓邊灞亭分手處珍重
長途側側尚春寒白門楊柳想到時綠映絲鞭重灑掃
書堂幽寂牕列六朝山新年歌袞倚翠畫燭圍紅數
追陪清讌無那又離觴滿泛醉不成歡深情盼取秋涼

候東閣啟舊榻猶懸探玉井更搴十丈青蓮

道甫有玉井搴蓮集

李旦華

字憲吉嘉興人貢生有青蓮館詞二卷

詞林金縷曲

送朱春橋先生之揚州

庭鎖桐陰暮鎮相從茶烟碧裊雪瓷花乳填罷新詞重
潑墨一幅貪摹嶺樹悵柔檣匆匆催去歌吹竹西應好
在記紅橋廿四留題處還細聽打窗雨閑園話別紛
離緒正勞勞津亭柳色也飛風絮寂寞吟編塵滿篋最
是梧溪倦旅輸此去金荃遙譜賺得二分無賴月有傷

春刻意樊川句應寄我遲鴻羽

選西江月

游騎堪恨是有狼籍殘紅滿地香雲膩閉窗假寐便一
霎吳檣瀟瀟聽到小院竹聲細畫對閉窗斷夢夢初醒

李德華字可大嘉興人諸生 草樹盡天未定歸來信對絲絳

香無雙雙燕得二兄書卻寄 莫問禁到當可趁策前以

客愁未醒歎天外飄零幾行飛鴈曲闌倚罷幸有尺書

風便笑拂封題乍展早減了離情一半眠食別後如何

怎奈同懷雲散不誰伴苦吟都倦况芳草天涯歲華易

換相思無賴夢入謝家池館杜宇催人別院第一是分

離難慣何時料理歸帆花萼樓中相見黨回致事於

汪如洋字潤民號雲壑秀水人乾隆四十五年賜進士第一官修撰有葆冲書屋集五卷詞附

不烈揚州慢詠芍藥用樊榭山房韻

門掩梨雲徑吹驟雪輕寒九十都銷對鷺忙蜨懶強與

殿芳韶想侵曉豐臺露泣箇人珠淚染徧鮫綃怕仙郎

薇省吟成也只無聊春嬉南浦記盈盈兒女情苗嘆

玉鏡臺邊紅闌砌畔水遠山迢贏得膽瓶斜插銀燈畔

酒暈偷描任濃斟藍尾來朝綠暗平橋

選疎影賦柳絮用樊榭山房絮影韻

尋芳夢遠正碧煙萬縷深鎖仙苑那處飛來片片撩人

湘紋過午慵掩瀟橋多少分襟淚翻滴到伊行青眼又

惹他林下詩情記起撒鹽庭院搭徧闌干幾曲比晴

絲天半。作態還軟。乍去仍迴欲住難收笑我坐禪心懶
萍蹤別浦匆忙甚。恨杜宇斜陽催晚。算不如蝶粉西園
留與綠陰爲伴。

錢塘 字禹美嘉定人乾隆四十五年進士官江寧府教授有玉葉詞一卷

八聲甘州 梅蘆風來陣陣卸平簾

際長空草色漸如烟社燕又雙歸正柳雲婀娜梨雲明
媚江水初肥陰雨逡巡不下也解惜芬菲惹起閒情緒
蛺蝶飛飛客裏堂深晝永歎采蘭挑笋事事都非奈
暖風遲日如此好春時想幽閨垂簾人靜更近來瘦損
不勝衣盡日在闌干深處吟對薔薇

選 浣溪沙

一陣荷香遞笑聲綠陰簾幙晚涼生
禿襟小袖絳紗輕
閒把宿茶澆茉莉戲縫羅袋捉流螢
水晶簾外月初明

吳蔚光 字愨甫號竹橋昭文人乾隆四十五年進士官禮部主事有小湖田樂府十卷

選 西江月

對面繡棚坐處比肩鈿檻行時天涯萬縷麴塵絲釀遍
相思如水幽夢却無枕覺閒愁還怕鈴知啄花社燕
忒歸遲又入盧家梁底

摸魚子 題張篔谷丈移家西湖圖

笑紛拏足鞦手板幾多衰。衰華省。誅茅早卜揚雄宅。最好西泠烟景。容管領有。揉碧搓藍一幅。明于鏡。鷺昏鷗
暝。向白傅堤腰。葛翁嶺腳。妍唱寄三影。生綃滑。皺出
松坪梅町。柴扉開向沙徑。海懷霞想。黃塵裏。結隱那番
纔定。田二頃。更酒榼茶鐺。載上瓜皮艇。引人入勝。待燒
筍雲林采蓴。月泚儂亦挂。答簪。

又

汪秀峯招同方蒸砂坳堂李鑑川集盤門舟中

釣絲風綠楊城腳。吹來雲水深處。蓮鞞藕葉何曾見。且
向碧波心住。秋太苦。凭蠡殼船窗猶賸九分暑。酒鱗茶
乳。被銀甲彈箏。金釵擷。篋。開了夕陽去。柁樓外。拋却

青山無數。十眉。揀子新譜。人生消受風流福。最是鐘前
爾汝。相與語。只白髮青袍。又作今宵聚。月香一縷。拚隔
座藏鉤。分曹刻燭。飽聽豆花雨。

選

酷相思

金縷絲牽牽別緒。翠樽淺。難教住。最惆悵。江南寒食路。
草綠也。春歸去。水綠也。人歸去。落盡梨花雙燕語。晝
樓上。瀟瀟雨。看天色。一條催欲暮。草綠也。春何處。水綠
也。人何處。

百字令

寄伯兄

綠陰如水。夢纔圓。小院孤蟬。聲咽十二湘簾。渾不卷。心

字篆紋空結酒釀茶香懷人天末只悔輕離別相思書
札開函欲讀還歇 遙想燕市捶琴金臺擊筑對風沙
愁絕射鴨撈蝦生計好休忘五湖明月自笑疎頑移花
蔣竹閑事都成癖江邨秋雨翦燈留共君說

選 瑣窗寒

暮秋

月讓燈青霜欺葉碧梧桐高閣金風似翦新雁一繩吹
落幾相猜故人書札甚難來水邨山郭料柴門吟瘦茶
烟贏得鬢絲如昨 秋光休負却恰鱗螯肥也白酒初
熟菊花如客對清影破巾旋漉縱者番不醉千回怎耐
那檐牙敲玉待小春開了山梅重尋雞黍約

桂枝香

夜坐有懷

曲池疎樹見翠館涼初流螢無數冰簟橫陳消受荷香
風露銀缸落蕊紅于豆又文簫譜殘何處不堪回首香
消夢斷懷人無語 記往日麥風梅雨慣綠酒分曹紅
牋覓句一別經時空盼燕來鴻去晚潮得便拏孤艇好
共吐繭絲愁緒龜莖試采肥波薛澱月明同煮

選 臺城路

新市舟中紀遇

鷓鴣呼夢東風軟船唇繫來芳樹沙市烟暝江樓日潤
燕入湘簾鉤處雲鬢淺露正粉面初勻海棠含雨倚檻
盈盈華年數到玉笋柱 橫波無限春思恨錦帆荏苒

不教人住一抹遙峯半鉤早月依約絳仙眉嫵柔情萬
縷只淚逐楊花暗潮流去六六頰鱗玉棧誰寄與

摸魚子

題董眉峯孤篷聽雨圖

問人閨海懷霞想芳盟誰狎鷗鷺飄然一舸攜書卷滴
盡五湖疎雨凌極浦只橋叟渡夫扣柁閒來去梳煙織
霧有碧柳條條青蘆葉葉天水渺如許伊人在彷彿
蒼兼白露吟湘賦楚誰訴對牀夢散千行淚雲外斷鴻
無數餘鬢縷便筍屐蕉衫勝踏東華土謝塘顧渚更酒
滴槽紅茶翻碗碧生事未遲暮

選

鵲橋仙

杏花開過桃花開過將近棟花開矣分明二十四番風
把無數暗愁吹起綵毫慵搦珠簾嬾捲惟有小闌干
把黃昏時節最傷春看滿地月華如水

瑤花慢

十一月初三對雪

窓明如縞被冷憎綿吹滿長安雪遙天似幃剛寫出幾
點飢鳥低咽街心巷尾喜悄窸軟紅塵滅賺夢回籠袖
酸吟暗和隔牆殘笛忍寒獨自巡檐笑人在冰壺山
骨清絕玉蕊瑤枝定愁到一樹小梅花折奚童輕掃留
照我畫簾眉月又無慘細撥熏鑪攪得相思難說林雨
滿庭芳

永晝如年。遙天似夢。旅懷容易。萋迷湘簾。軸處飛燕一
雙低。幾許蠶狂。蝶浪花鈴底。得意爭棲。營巢苦杏林雨
歇。何處好銜泥。濃春偏易謝。蘭篝徒試。蕉紙虛題。已
彫闌。凭煖日未斜。西暗憶故鄉。消夏真蕭灑。竹町荷谿
長安樂。不如歸去。休待杜鵑。嗚。彈珠。玉。夢。回。鶯。語。
樓上闌干閒倚。徧暮天。又近昏黃。是誰偷學。晚來妝月
梳山髻小。風翦水。翕長。相見時難。偏別易。千迴百折
柔腸。可能拚箇。不思量。嬾描驚蛺蝶。怕繡。睡鴛鴦。闌干

齊天樂

雁

正無聊。小樓閒倚。天邊飛到。秋雁黃菊才開。白蘋已老
寫出相思。千點飢悽。冷怨宛。箏柱斜排。乍彈重掩。陣陣
行行。高空猶恐弋人篡。銜蘆入關。路遠幾飛鳴。宿食

春暖方轉。霜月三更。水雲萬里。叫得羈孤腸。斷西風不
管。其衰柳寒鴉。一繩吹亂。又落平沙。夕陽紅處見。碧一

選時鵲橋仙

春
花
春
草
春
雲
春
雨
更
是
春
風
雙
燕
江
南
何
處
不
相
思

昔容易。九回腸斷。夢殘如月。愁多似水。獨上高樓。難
見夕陽山外。又青山人却比青山還遠。立盡景。景。謝。參

雙
蝶
戀
花
日
去
風
自
深
來
前
謝
林
無
好
土
林
開
餘

粉蝶不知春已去。獨自飛來。猶傍花枝舞。枝上花開餘
幾許。茶蘼小折。薔薇吐。一角畫廊人立處。最是情多
難向東風訴。吹上滿衣新柳絮。碧雲無盡天涯暮。對
選。攤破浣溪沙。雨。良辰春風變。燕。南。可。不。勝。思。
早起慵描淺黛螺。晚來喜捉小紈羅。獨倚鴛鴦雙戲處
看風荷。坐沒心情。衣摺亂眠無氣力。簾紋多浴罷一
鉤新月上。夜如何。更水。萬里。四。皆。盡。每。湖。酒。西。風。不

選。滿庭芳。念。人。寒。 倚。畫。人。關。到。盡。染。秋。意。會
細雨霑花。輕雲護月。長宵最是溫柔。幾星螢火。點出小
庭秋。自倚闌干。人別費相思。還怕登樓。新涼好。紗幮寶

簾無睡待牽牛。悠悠真易老。還同江水。長向東流。笑
難流將去。疊恨重愁。纔結片時春夢。偏驚醒。白玉簾鉤。
偏凝佇。瀟湘天遠。幾筆畫屏幽。

錢 際 字湘船長洲人乾隆四十六年進士自鄉
會試至 廷試皆第一官至內閣學士

選 沁園春 題秦敦夫太史所藏汪蛟門比部少壯三
好圖

驀地思量。明月簫聲。別來幾年。記那溝燈火。航船交錯
東山亭榭。鼓吹喧闐。老輩騷壇清時高會。裙屐風流儘
可傳。渾無賴。把客嘲賓戲。一例同編。畫圖好認飛仙
剛觸撥。心情往事。牽只百城坐擁。輸他卓犖。三杯勸進
少此嬋娟。壯不如人。客非無好。蓬鬢春風。願影憐。傷憔悴

悴早懺除綺語怕寫蠻牋

余鵬飛

字伯扶懷寧人乾隆五十一年舉人有夢踐書屋詞一卷

選 浣溪沙

閨思

率地簾垂不卷花熨香金斗漫烘霞春陰寒較夜來些

纔諱言愁眉翠聚整思尋夢徑紅遮關心雙燕絮年

華

小園香

選 桃源憶故人

見桃花遺典

小園一晌輕陰護不省春深幾許人面春風那處多少

黃鸝語 隔年情事當時悞懶更輕拋詩句錦浪扁舟

來去臥看江南雨

余

旻

字秋農上元人貢生有羣玉山房詞

卜算子

雁用東坡韻

獨自倚南樓遠寺鐘初定樹杪疎星幾點寒掠過飛鴻

影 風物又驚秋舊事回頭省夢斷江湖信又沉是處

蘆花冷

陳逢堯

字覬之南匯人諸生有華萃詞草

選 清平樂

吟香句裏多少愁滋味憔悴玉人眠未起鋪地月痕如

水 幾番消息無憑曉風楊柳啼鶯驚碎一簾花影移

燈立盡銀屏

登立書二十日閱此三卷選自六十七首

冰 幾香何裏多 少愁滋和 謝到王人 却未改 謝世日 莫收

謝平樂

謝平樂

刺筆 謝平樂

黃芬合

風 謝平樂

謝平樂

謝平樂

國朝詞綜卷四十四

國朝詞綜卷四十五

青浦 王昶 纂

沈清瑞 十一首 王開沃 十一首

金德輿 一首 王陸提 一首

王啟曾 一首 姚念曾 一首

吳志遠 二首 顧列星 三首

會煜 一首 殷塏 一首

金式珪 一首 陳澤泰 四首

吳鈞 二首 吳友松 一首

錢青選 一首 徐應階 一首

沈信 一首

余鵬翀 一首

倪象占 四首

金文翀 一首

王文潞 一首

王莊壽 一首

沈清瑞 字芷生長洲人乾隆五十二年進士有沈氏羣峯集詞一卷

選 玉樓春

春城一帶垂楊暝。淡日輕雲晴不定。杏花風細雨絲絲。

隔水人家寒食近。歸來燕燕傳芳訊。斗帳熏鑪銀葉

潤。今年春事去年心。飛絮多情上簾影。

選 清平樂

鴛鴦眠盡湖水如圓鏡。笑入荷花風不定。畫槳劃開萍

影。短簫吹過紅橋柳。陰陰處烟高歸去輕。衫半濕橫

塘暮雨瀟瀟。

又 又

篆烟飛盡香減春衫褪。坐久玉人鈿雀冷。柳外風吹髣

髴。迢迢青粉墻高隔。墻幾點櫻桃可惜。今年花下更

無人伴吹簫。

選 又

濕雲如夢。水榭輕寒送。坐雨畫屏秋氣重。風起苧衣微

動。錦筵銀燭無光照。人別淚成雙。一曲鈿箏彈盡。雁

聲今夜初長。

臨江仙

暗水似隨鏡濕晚涼都傍衣生小樓今夜起秋聲星光
欵外動月豔臉邊橫設果庭中私語結璘案下低盟
佩聲燭影已三更沈香烟底坐雙髻笑吹笙

選 人點絳脣

梨花

夢隔涼烟半簾月轉花陰午粉香吹度羅幕無重數

歸倚銀屏澹到無言處輕寒聚曉雲來去依約留春住

選 祝英臺近

蜀箋紅湘酒碧蘭燼夜燈落風約簾鉤秋色動羅幕可

憐花氣微涼茶烟欲歇有人倚暮寒池閣

舞衣薄記

得抱月飄雲腰態瘦如削塵散歌樓冷落舊絃索幾番

燕燕歸遲綠陰似雨負攜手小窗佳約

選 齊天樂

丁酉暮春重過曉春鳴花枝照人鶯聲滿
樹風景絕似舊游而扇影歌喉一時都盡
拈長短句題之西窗

闌干三面垂楊裏風吹一簾春色摘葉聽鶯衝香識燕

又到看花時節簫聲巷陌漫問訊墻東洗紅消息喚起

新愁斷腸人對畫屏立輕衫淚淹幾疊翠樽難共欸

孤負芳夕酒市燈疎歌樓塵靜前度俊游消歇來朝寒

食算誰倚春烟伴人吹笛尋夢無蹤冷香雙袖濕

選 天疎影

水仙花

風約繡簾斜。冷透紗窗輕碧。一泓怨梅傷柳。是誰家橫
笛。正翠帷人去。鳳鸞孤愁。坐擁衾鐵。留得淒涼伴我。祇
舊時明月。

晚從瓜洲渡江

瓜步秋殘艸樹凋。夕陽催上木蘭橈。布帆影裡蒼翠滴
金焦。蘆荻當風搖。故壘魚龍挾浪捲。前朝更無商女

靜夜。拍檀槽。

題瀟湘暮雨圖

依然極浦一片清秋。雨漠漠水雲朝。復暮中有楚魂來
去。陽臺隔斷巫山。丹楓暗落江干。又是征鴻度也。玉

簫錦瑟生寒。

前宵夢好。鬢影鬆多少。却恨鐘聲如謝豹。催得餘歡艸

艸。今宵好夢無蹤。淒涼燕子樓空。二十四番來去多

情祇有春風。

衰柳烟空。落照斜半天。寒色在啼鴉。鴉外碧樓人獨倚
客天涯。苔砌不生懷夢草。夜燈空吐卜歸花。怪底暗

蟲聲窸率。打窻紗。

柳梢青

獨客江皋踏青延竚野渡官橋燕外紅肥鶯邊緣綠瘦纔
過花朝花前倍覺無聊盼不到雲鬟翠翹一抹斜陽
三分流水腸斷歸橈

選虞美人照得半天寒色白玉帝詔歸來

綠楊枝外沉沉漏迷迭消金獸黃鶯打起不教啼依舊
徹明無夢到遼西擎杯索向花前醉酒化相思淚翠
綃封罷又潛傾灑作一天紅雨濕春晴

選青鷓鴣天照得半天寒色白玉帝詔歸來

相識東風又到家去年天氣舊窻紗萬條柳影都隨月
千種禽聲各為花金錯落玉交加踏青遊女競豪奢

有人深院鳴箏坐桂木猶紅點臂砂桂木守官別名

選王浣溪沙桃花

灼灼春嬌醜面華鶯邊紅雨燕邊霞同時玉李遜天斜
時流水一灣漁父岸暖風十日夢瓊家花情濃似去年

些照得半天寒色白玉帝詔歸來

選又春盡照得半天寒色白玉帝詔歸來

碧發朝寒喚錦鳩闌風長雨似窮秋惜春春去賸春愁
鶯語浪憑金鎖鎖花光虛倩玉鈎鈎倚闌人在小紅

樓照得半天寒色白玉帝詔歸來

照得又管銀琴響起來芙蓉睡晚吹蘭春韻不離心數葉

予為泊云他
爾板亦多
不涉美人夢
已外查也亦
是翻果亦
如不相回也

倒插犀簪。驪翠環吹來芳氣細。如蘭春情不斷似連環。
蛺蝶數雙圖出。易鴛鴦一對。繡成難。杏花微雨。瑣窗

寒。金德輿

字雲莊

桐鄉人。監生。官刑部主事。有桐華館吟稿詞附。

春春去。題友人兼葭深處填詞圖。

朝中措

范湖秋水繞門流。池館愜清幽。檻外幾叢蘆荻。蕭蕭喚

起閒愁。移宮換羽。新聲倚徧。合付歌喉。唱到白蘋香

冷。勝他紅杏枝頭。

王陸禔

字介祉。昭文人。諸生。有餐秀詞。

眼兒媚

絲絲烟雨。菴橫塘東。風碧草香。梅花已雪。桃花未放。冷

落春光。凝眸不見紅襟燕。無語暗迴腸。知他去後。可

會念著舊日雕梁。

王啟會

字葆素。嘉興人。

早味洞仙歌

送楊三樵之閩

驪歌催唱。怪天涯遊侶。因甚忽忽別。衡宇記春宵。翦燭

共話西牕。渾不記此日重牽離緒。連朝風雨。惡儘自

生愁。何況消魂。又如許君去。浙閩江月色。灘聲憶後夜。

泊舟何處。凭別後相思。更何如。先第一難堪。酒闌人去。

姚念曾

字友硯。金山人。貢生。官知縣。有賜墨齋詞。

仙陽子

一枝春

舟中紀所見

畫鷁圍香。鷦鷯驚回人在翠簾深處。厭厭芳思淺。暈含春無語。東風解意。巧颺出繡鴛金縷。應自愛映水新妝。一片小桃紅聚。柔腸定知何許。奈低眸翦水。幾番斜注。踏青倦矣。散了天涯香絮。料量心事算情重也難憑據。早和他紫燕盈盈。掠波遠去。

吳志遠

字彜哉江南華亭人有粵游詞草一卷

會念卜算子

和竹垞先生韻

攬鏡不成粧。盼去花如霧。誰向蕭郎索素書。傳到心頭語。顛顛又而今。衣薄還裝絮。如豆殘燈未殺時。却更

瀟瀟雨

選菩薩蠻

尋思已誤當窗約。粉痕和淚偷彈薄。燕子故飛飛。絮香吹滿衣。湘裙新研褶。穩步金蓮葉。無語轉身纔凝眸。

花又開

顧列星

字樊渠秀水人諸生有風雨閉門詞一卷

選臨江仙

短夢半隨雞唱斷。依依散盡行雲。畫樓回首月如銀。羅衾已冷。猶有未銷魂。青鳥幾曾啣遠訊。空餘蝶化仙裙。悔將杯酒醉東君。春風無賴。吹長舊愁根。

又
捲絮風狂簾不捲朱樓深閉歲蕤燕泥落盡水平隄無
人庭院中有淚雙垂玉杵蘅蕪空付夢胡麻飯好誰
貽王孫春盡不思歸萋萋芳草門外卽天涯

選 少年游 秋夜

銀河天外望頻賒漏鼓正三搗露蟀凄心霜鴻弔影都
到小窻紗 清宵寂寂留誰伴孤燭半條斜羅帳餘塵
曉風吹夢春已隔天涯

曾 煜 字亮工太倉人諸生
有破菴集六卷詞附

浣溪沙

臨水南枝暖欲花探春踏遍曲塘沙枳籬茅舍幾人家
野店風微晴放鴿淺灘潮落晚撈蝦殘陽紅漲一天

霞

殷 塏 字元爽嘉定人諸生
有索解軒詞一卷

眼兒嬌

碧洗長空月又圓粧點早秋天雲鬢簾底桃笙屏角玉
笛風前 如今情緒轉茫然孤館夜如年一籬花影一
燈蛩語一枕愁眠

金式珪 字夔齋青浦人諸生
有鳳棲山房集詞附

惜雙雙令 題侍史小影

起句誤
左又字用
及了

春困牽情愁裏度香影裏東風吹去一向無歡緒曉雲
更逐瑤臺路。鴻書遙寄懷難訴雙碧合前緣誰據好
夢知何處者邊空著相思樹

陳澤泰

字茹征上海人諸生
有春柳草堂詞一卷

選點絳脣

咏柳

細瘦腰肢東風搓就黃金縷和烟拖雨藏得鶯兒語
一望青青總是章臺樹傷心處江南春去目送連天絮

蝶戀花

記得櫻桃花下住拂袖穠香引入屏山路酒釀燈昏香
炮處蝶魂杳杳迷春霧鸞管拋殘魚信阻一度春風

捲盡沾泥絮明月重來誰是主樓頭燕子雙飛去

青玉案

春風吹亂溪頭絮又老却黃鶯語門外驪駒聲最苦離
筵箏笛離亭烟樹總是人難住輕車不礙遺鞭路奈
冉冉隨雲去無那紅樓芳草暮繡屏香裏鳳燈深處聽
盡梨花雨

瑣窗寒

困蝶追風倦鶯啼雨一簾幽恨落盡紅梅又是梨雲成
陣悵韶光百五如梭畫堂人去餘香燼但憑欄盼望夕
陽山亂柳遮烟隱消損渾難問托中酒三分懨懨孤

補
倪象曰字三象
生香子此詞
時時自語看人憐
日暮芳心怨日
香香互換地
夜月正日交
社月正日交
紅粉月正日交
晴日下日正
尖兩分正

悶十尺鮫綃總把淚痕偷印倩幾行歸鴈傳情東風吹
斷渾未準藉今宵一枕華胥夢裏通蘭訊

吳鈞

字陶宰江南華亭人布衣有鼠璞詞一卷

選 臨江仙

書劍飄零誰似我歲除尚繫扁舟湧金門外小瀛洲梅

花香裏手紉木棉裘南渡繁華渾一霎青山碧水常

留夕陽紅到酒家樓亂鴉千點中有古今愁

選 風臺城路

河東君古鏡為郡倅鄭公作鏡徑五寸許背有詩云照日菱花出臨池滿月生官看中帽整妾映點妝成攬查初白金陵雜咏知為薜蘿舊物也

南朝舊事烟銷盡菱花似經殘雨綠暗春窗紅明曉閣

嘗伴絳雲同住龍蟠鳳翥把十指輕摩濕銀猶注忽憶

村莊夜山紅豆畫中樹臨池怎教月滿拚分鸞此後

芳意良苦温嶠臺邊江郎髮白試照羞顏如許銅花膩

處悵玉貌貂蟬此中難鑄小字回文更吟腸斷句空船

吳友松

字秋鶴秀水人

五言百字令

題尤二娛水西詞

小長蘆後問新聲海內幾人堪數似此才華真不放靜

志居中千古雨膩燈昏草薰風暖如聽喁喁語一編小

譜惹人無限愁緒那得斟酌橋邊綠波蘭槳蕩到春

濃處檢點錦囊三百調付與兩行箏柱月子灣灣風兒

叙字以五
天韻

細細醉也僊僊舞峭帆江上恁時同賦歸去

錢青選 字漱石 武進人

紅情 贈歌者 鈿郎

量花較月有芳輝如此定誰堪將濯濯楊枝一種韶華

正清越驀地相逢婉婉檀暈展笑橫雙靨最憐是未解

嬌憨薄醉玳筵側 低說畫簾隙趁晚風弄晴歌試白

雪紅牙乍憂昵我胡牀倚吹笛曲罷梁塵微墮秋空淨

彩雲明滅便頃刻相思滿忍教小別

徐應階 字復堂元和人諸生

百字令 送鳧鄉游西湖

執蘭吟罷怕匆匆過了春光難住看到南園芳草徧便

有殘紅無數短屐纔攜孤篷乍放且向西冷去樽空人

遠黯然縈我離緒 記昔湖上題襟歡游如夢曾逐閒

鷗侶此去烟鬟波作鏡為問妝愁幾許嫩柳垂青曉鶯

啼碧收入蘆洲譜蠻牋頻寫又添多少佳句

沈 信 字孚中鎮洋人諸生 有虛槎詞鈔一卷

買陂塘

悵匆匆鴨頭波暖東風催送南浦陽關舊曲聽來慣怎

比這回凄楚紅日暮看勸瓊離筵波溜頻迴注芳情乍

露是忍淚偷彈暗傳心諾無計款留住 蒲帆掛千里

迢迢客路吳雲回首何許清宵懷夢空懷却畢竟趾離
無據方悔悞悔負却紅薔刺胷湘裙處年時密緒付蕉
雨孤窻盈腔別恨反覆醴陵賦

余鵬翀 字少雲懷寧人諸生有少雲詞一卷

玉樓春 獨夜

荒邨盡處多時立殘夜暗風吹冥色無僧古屋一燈青
落月平原干樹黑 重來誰記江南客自繞蒼苔尋履
跡無端影墮碧溪邊一片寒蘆秋瑟瑟

倪象占 字九三象山人貢生官嘉善縣訓導

選 望江南

春光好畫閣小橋邊日射菱絲搖鏡彩風催雁語遞箏
絃相見是何年

又

春光好靜夜可憐生萬點香泥圍燕夢一枝燈穗聚蛙
聲斜月又三更

選 生查子 秋江歸棹卷為張秋輝作

昔日綠楊絲今日黃蘆絮日暮過橫塘夜泊知何處

新月喜逢秋殘月愁當曙月下有鴛鴦兩兩分飛去 時

輝得斷絃信

眼兒嬌

起の字用平
て及ぶる
若第の字
則筋不の及
又誤

尋夢尋春一色迷凝望草萋萋曉煙愁散輕風愁蕩夕
照愁低蓮勾香印魂銷處獨有燕丸泥珠簾細雨畫

梁明月夜夜雙棲

金

狷字振之休寧人監生寓居錢塘早卒有吟紅閣詞鈔二卷

清平樂

夢中贈歌者鄧鑾

樽前花底多少相憐意一曲驚鴉飛又起小院月華如

水東風暗送歸潮淚痕濕透鮫綃他日重來記取門

前第五紅橋

王文潞

字介人太倉人諸生早卒有義亭詞一卷

西江月

留別陸廷彥

幾卷芭蕉葉綠數枝芍藥花紅相逢醉白一樽同細說

昨宵殘夢

纔是題襟草草那堪判袂匆匆恒春橋北

柳堤東明月歸帆風送

恒春橋在三泖漁莊東

王莊壽

字椿齡青浦人諸生

青玉案

題秋夜校書圖

嫩涼庭院明蟾吐幸舊有青箱貯湯說曹倉兼杜庫總

憑巨眼魯魚帝虎多少相沿誤燭花影裡勤叅互賴

紅袖能相助却笑香山蠻與素柳腰櫻口風流如許但

令工歌舞

國朝詞綜卷四十五

廿二日 卷四十五

國朝詞綜卷四十五

命工煇

臨臨新時也於矣香山澄泉泰賦期舞日風流淑情

思日即曾魚帝氣多少時出類 賦於溪野機絲五

青王案

王王請

謝安東日

我官效

吳卷可燕業

國朝詞綜卷四十六

青浦王昶纂

冒褒一首

朱謙一首

王臣蓋一首

劉霖恒一首

歐陽德榕一首

吳啟思一首

敖嘯一首

李際時一首

汪煥一首

宋慶長一首

許孫荃一首

何五雲一首

傅世堯一首

張恂一首

孫爾思一首

馬自雋一首

毛士儀 一首

董儒龍 一首

在映垣 一首

萬秋期 一首

陸鴻圖 一首

郭徵和 一首

蔣韶年 一首

西泠酒民 六首

蒿亭居士 一首

宏倫 三首

原詰 一首

高雲 一首

濟日 一首

繡鐵 一首

雲門僧 一首

西湖老僧 一首

余一淳 一首

青上 一首

見倚聲初集

浣溪沙 春寒

見倚聲初集

翠被生寒寶篆斜銀荷半炷透窗紗舊時閒事記些些
懶向重幃鬆扣領誰來隔院理琵琶自攜殘蠟照梅

花 見倚聲初集

朱詒謀 見倚聲初集

蝶戀花 春暮

紫陌風光看又度芳草年年惹下愁無數輕暖輕寒三
月暮香車鬧遍西陵路大枝上苦梅剛豆許春色三分
半逐游絲去解下金鈴貪鳥語流鶯浴盡殘紅雨

王臣蓋 見倚聲初集

王少年游 初秋

藤花浥露月穿棚促坐聽蛩鳴粉澤初消珠璫盡卸團
扇小風輕星橫銀漢光如浸城上報三更滿檻荷香
一庭梧影好夢未分明

劉霖恒 見倚聲初集

朱浣溪沙

情得蕉陰步石欄空庭鶴小步珊珊幾回幽夢未全闌
雨點無多敲夜靜鳥啼一半送春殘澹寒生處怯衣

歐陽德裕 見古學指南集

長相思

雲蒼蒼樹蒼蒼雲樹蒼蒼獨雁翔秋來愁怎當
山茫茫水茫茫真見偏稀夢見長相思天一方

吳啟思 見東白堂詞選

望江南

江南憶春潤野烟和燕子不來知雨急
梨花欲謝惜風多酒醒奈情何

欹枕畫樓天半簾外月華飛霰一陣曉鶯啼喚起杏花
零亂消遣消遣無奈夢回人散

教

見別腸詞選

訴衷情

微風不盡捲輕霞。一帶水橫斜。喚起秋情無緒。長笛落

誰家。疎竹影。瘦蕉花。半窗紗。月來簾外。人在樓頭。夢

到天涯。

李際時南

見三台詞錄

賣花聲

寧川雨夜

幽寂夜。牕空冷。雨酸風燈。魂黯淡不成紅。百斛間愁無

處賣。拚教填胸。難禁此宵中。遙想別從詩。場酒陣獨

拋儂。門外亂山青。萬疊遮。夢難通。

汪煥

見沈時棟詞選

一叢花

當年曾共木蘭橈。心事付春潮。題詩統扇垂楊下。重來

處。可記纖腰。銀漢雲遮。玉樓烟合。無計問吹簫。閒情

不奈漏迢迢。冷雨一燈消。幾時喚得東風轉。桃花影微

度紅綃。小盡金錢。憑將畫檻空對美人蕉。

宋慶長

見瑤華集

眼兒嬌

春情

垂柳垂楊雨初晴。天氣近清明。錫簫吹徹。鞦韆斜挂。畫

裏江城。畫玉人粧。罷無心緒。嬌鳥隔窗鳴。殷勤看取花

穠香細晝永烟輕
見詩餘醉

浣溪沙

秋景

草色斜陽江上幽西風蘆荻滿溪流宜人清興是深秋

細細蟲聲黃葉路蕭蕭花氣白蘋洲碧雲天際晚夷

猶

何五雲

見詩餘醉

減字木蘭花

冬日咏梅

長安雪意冷骨間心高自寄萼破枝橫策蹇敲詩野興
生玉離家隔歲為問窻前開也未吹徹瓊簫愁說江村

驛路遙

傅世堯

見河南通志

臨江仙

大梁春興

春到夷門催草色晝長風日悠悠梁時明月宋陵邱劫
灰千載恨尊酒百年愁公似聽烏衣談往事相將對語
枝頭興亡欲說又還休書燈連夜雨憑弔一登樓

張恂

見陝西通志

江城子

登華山

朝來爽氣畫圖中石崖窮索垂龍避世何深樓閣挂危
峯却到青柯坪上路奇最絕與天通芙蓉仙人掌上許誰

同石脂濃水溶溶回首紅塵千丈聳芙蓉採取驚人詩
在否還搔首問蒼穹

孫爾思

見陝西通志

浣溪沙

春日游黃公柳堤

來往朱輪輾畫橋春雲靄靄水迢迢浪花深帶酒帘搖
青帝郊中烟一縷黃公堤上柳千條鶯兒又作磬人

嬌

馬自雋

見嚴州府志

滿江紅

借友人游寶華洲

出郭餘閒早看徧富春山色喜此地澗洞孤嶼紅塵先

隔泛棹忽搖鷗鷺影傾杯正滴魚龍脊儘西湖千頃滌

煩襟風生腋

談笑處楓林赤倡和處瓊華白見數椽

梵宇波痕猶積勝境好留佳客住夕陽又見歸樵急約

明晨更探玉泉峯催游屐

毛士儀

見嚴州府志

青玉案

游小金山

高梳急漿青溪渡看百尺澄泓聚片石飛來飛不去凌

空駕壑苔封樹擁突兀中流柱息僧房低亞通幽處夜

半鐘聲雜蛟語清境暫游添客緒重來須記高眠三伏

四面敲窻雨

四董儒龍

見宜興縣志

念奴嬌

初夏渡太湖感舊

綠遍枝頭斷送了九十春光消息馬足紅塵飛盡處牛
背何人橫笛剗地長風排空濶浪中有扁舟立筆牀茶
竈五湖自署狂客猶記初泛年時香綃粉袖偎傍粧
臺側三載離魂無覓處血淚愁腸消得細數繁華夢中
身爾醉後重浮白一彈別鶴萬山湖上凝碧

任映垣

見荆溪縣志

朝中措

南礪春游

勝游曾過梵王家春色正清華稚子頻移石獷女郎徧

採新茶歸來傍晚青螺幾疊薄靄微遮回首鶉鴝叫

處沿山都放桃花

萬秋期

見荆溪縣志

禁林玉女迎春慢

玉潭凝碧

山簇川迴蒼崖側轟轟檜杉交倚下有靈邱百尺綠蘚
清漣相際卧虹橫砌似暗鎖一泓秋氣波紋如縠迎月
弄烟都做飛翠玉人去也香蹤空留得舊日洗頭佳
地鶴駕知他恁處想像凌虛遊戲鬢雲乾未怕尚有膏
凝脂膩岫影澄潭錯認晚粧螺髻

陸鴻圖

見西湖志

臨江仙

湖上

見西湖志

十二樓頭春事早
花間試買屠蘇
盈盈十五學當壚
可憐垂素手
不慣數青蚨
踏碎殘紅堤路滑
杖頭珍重
葫蘆東風吹雨過
平蕪欲尋逋
老約喚取醉翁扶
郭徵和

見竹垞小志

山行百字令

題竹垞圖

禁花看後覺軟紅
十丈浣衣如墨
放棹江關烟月渺
歸向梅花溪側
竹簟邀涼
茅簷趁曝
故事真堪憶
文章歐九後
身應是朱十
况此籜粉侵堤
萍香撲幔
舊屬芙蓉國
最好荷衣縫
露葉紫綬青
綳收拾小閣
茶烟長蘆
醜舫儘有忘機客
酒杯才放
草堂書散
千帙

蔣韶年

見虎阜志

少年游

真孃墓

綵灰何處喚真真
一簇小桃墳
清梵飛來
疎香裊處
冷盡舊泥裙
芳魂恰傍幽曇地
草色幾經春
歌舞三生
烟花一夢
持此問慈雲

西江酒民

有酣酣詞
鈔一卷

龔南陔云酣酣子長短句一片傷心寄情
言外泥者昧者俱未易言

不繡帶兒

金靨小桃春
愁鎖綠眉顰
一種風情拋也
偏做別離人

金何處。苧蘿邨。倚碧檻。憶斷黃昏。水雲沙草。青楓白露。兩下銷魂。

沙塞子

休將醺醖破愁城。除非是常醉無醒。空贏得夜闌人靜。淚轉盈盈。隔幃還剩。小紅燈。熒熒影斜。照秦箏。恁無語。沉檀添炷。背立雲屏。幽墨。草草。空。幾。春。海。幾。三。生。
江樓晚。帆影櫓聲爭亂。剩得夕陽剛一線。任風吹不見。燕子也應飛倦。誤入誰家深院。只有雙鷗眠水淺。愁人凝淚眼。

蘇幕遮

寶釵橫。鴛鴦被。小七尺。鰕鬚涼入。羅幃好。庭院深深。秋雨鬧。切切。淒淒。葉落梧桐老。麝煤殘。爐篆杳。寒漏頻添。鼠出窺燈。悄。夢隔巫山。魂不到。玉枕紅綿。淚濕無人曉。

蝶戀花

秋日湖上

一片明湖歌舞舊。景色蕭騷。恁處堪回首。波上殘荷堤上柳。秋山都被西風瘦。撲面黃塵吹滿袖。寒入香林。賓雁來時候。雲破窮陰纖月逗。會須重醉當壚酒。

琴調相思引

窗外孤雁

鴛瓦寒飛。半夜霜誰憐。隻影背虛窻。別懷無限。夢不到。

衡陽殘月如鈎偏著眼一燈似豆在愁腸那堪樓外陣陣叫淒涼

蒿亭居士 有醉墨詞三卷

減字木蘭花 春暮

啼鶯婉轉似惜落紅春不管但替花愁那管愁人白了頭
楊花榆莢攪亂春光九去八一分殘春及早花前醉幾巡

宏倫 號孝均宜興人有泥絮詞

點絳脣 春陰

玉笛丁寧落梅滿地愁無主連宵風雨魂夢都無緒

野水平橋岸柳迷烟縷鶯無語花廊月廡一幅春寒譜

眼兒嬌

似水官衙夜無聊燭炧水沈消故山秋老天涯人去明月今宵
來朝準趁吳娘棹燈火過虹橋松陵江口估船相並篷背吹簫

過秦樓

寂寞琴書蕭條僧舍正是晝長人倦桐陰小徑水墨長廊一日幾回行徧休把往事思量剗地愁來重門難掩
自賓鴻一去關河千里夢遙人遠還記得紅藕塘中紫薇花下立罷暑微涼淺鳳團聲細鴨裏烟消容我簞

紋先展斜靠紅闌小亭茉莉香濃倩題紈扇歎雙魚信
杳忍見塵生筆硯千里夢斷人散

詞原日詰 字放菴太倉 人有紅豆詞

桂枝香

寒蛩語細聽訴盡淒涼客心將碎不捲珠簾怕見月華
如水羈愁黯黯渾如醉為悲秋一番憔悴碧天空濶畫
樓縹緲玉簫初起昔曾向花間竹裏把卮浮白縞袖
凝翠自去瀛洲仙馭頓忘塵世而今諳盡愁滋味更休
說故人千里夜闌酒醒參橫斗轉最憐無寐

高雲盤山寺僧

踏莎行寄花影菴主

漏靜鐘鳴霜寒月冷羣陰剝盡春將醒滿腔碧血阿誰
知百年心事傳花影去去留留潛潛等等高雲一樣
蹤無定玲瓏夢破玉壺中翩翩光映摩尼頂

濟日字句玆 號逸菴

錦纏道

夏日移舟消遣炎歊長晝小池中芙蓉如繡鴉鵲葉底
閒相候銜得游魚飛過蓬軒後聽垂楊渡邊笙歌迭
奏綠陰陰山亭新構且科頭閒倚橋闌待熏風披拂吹
得波紋皺

綉鐵

赤棗子 沿水道中

烟外雨。雨邊山。啼盡鶯聲二月殘。青粉墻陰人獨立。茜

紅衫映杏花寒。文煇昇畫小。幽中英葉吹。蘇賦詩。葉

雲門僧

柳塘詞話選本多以衲子女郎為殿後然女
郎易見衲子罕聞康熙初雲門一大僧在過
柳塘留巫山一段雲詞則真韶秀絕倫之語
他如雲漢澹歸各有專刻月函亦有禪樂府
皆石門文字一流人也

巫山一段雲

竹杖穿花徑。蘭橈渡柳村。欹斜古寺白雲屯。相對坐黃

昏。香篆消殘印。霜花凍曉痕。十年情事若為論。一笑

月臨軒

西湖老僧

查恂叔詞話茂州陳時若大牧最喜歌此調
云武林一老僧所填點絳脣也忘其名余聞
之輒錄出往復咏嘆音調超絕噫此亦紅薑
老人之儔匹也

點絳脣

來往烟波此生自號西湖長輕風小槩盪出蘆花港

得意高歌。夜靜聲偏朗。無人賞。自家拍掌唱徹千山響。

余一淳 號體厓杭
州人羽士

好事近 入大滌山

一片石玲瓏身入洞天幾曲點起明明蘆火見如鴉
蝠
竈跡依然雲冷不堪宿待覓素書歸去倩
稽康解讀

上

鑒

號輝宗
長洲人

少年游

一階新草碧痕輕紫幔怯風鈴粉妝玉靨為誰消滅空
自撥秦箏
幾回夢裏尋芳訊花底憶生平半醒梨雲
朱簾靜悄獨聽畫眉聲

國朝詞綜卷四十六

卷四十六

詞

國朝詞綜卷四十七

青浦王昶纂

徐燦 十四首

朱中楣 一首

吳文柔 一首

顧貞立 一首

柳令是 一首

虞兆淑 一首

趙氏 一首

賀潔 一首

馮嫺 一首

侯承恩 九首

吳芳 一首

鍾筠 二首

顏繡琴 一首

葛宜 一首

章有湘 一首

吳森札 二首

張學雅 五首

喻 撚 一首

沈關關 一首

沈友琴 一首

沈御月 一首

徐

燦

字湘蘋長洲人陳之遴室有拙政園詩餘三卷

林下詞選湘蘋夫人善屬文兼精書畫詩餘得北宋風格絕去纖佻之習

如夢令

花似離顏紅少。梅學愁心酸早。生怕子規聲。啼綠庭前。芳草春老春老。幾樹垂楊還裊。

少年游

衰楊霜遍灞陵橋。何物似前朝。夜來明月依然相照。還

認楚宮腰。

金尊半掩琵琶。恨舊譜為誰調。翡翠樓前

胭脂井畔。魂與落花飄。

憶秦娥 春歸

東風老起來。檢點殘紅少。殘紅少。一簾疎雨。半庭烟草。

燕鶯故故將人惱。千聲萬語春歸了。春歸了。雙蛾誰

遣鏡痕愁小。

踏莎行

芳草纔芽。梨花未雨。春魂已作天涯絮。晶簾宛轉為誰

垂金衣。飛上櫻桃樹。故國茫茫扁舟何許。夕陽一片

江流去。碧雲猶疊舊河山。月痕休到深深處。

浣溪沙 春歸

金斗香生繞畫簾。細風時拂兩眉尖。繡床針線幾曾添。
數點落花紅寂寂。一庭芳草雨纖纖。不須春病也慊慊。

臨江仙

不識秋來鏡裏個。中時見啼妝。碧波清露帶紅香。蓮心
羞結多半是空房。低閣垂楊罷舞。窺簾歸鴈成行。夢
魂曾到水雲鄉。細風將雨。一夜冷銀塘。

蝶戀花

剩紫殘紅能幾許。曉枕驚迴。無奈紛紛雨。雨過柳風吹
不住。不吹愁去。吹春去。莫怪東君分別遽。鏡嬾釵慵。
不是留春處。嫩葉漸看成綠霧。霎時又恐秋霜妬。

風中柳

春到眉端。還怕愁無著處。問年華替誰爲主。怨香零粉
待春來。憐護被東風霎時催去。日望南雲。難道夢歸
無據。徧天涯。亂紅如許。絲絲垂柳帶恨舒。千縷這番又
一簾梅雨。

滿庭芳

寒夜別意

水點成冰。離雲愁暮。能禁幾陣淒風。綺窗吟寂。頻倚曲
闌東。夢短宵長。難寐聽不了。點滴銅龍銷魂也。梅花憔悴

國朝詩話卷四十一
三
悴飛雪斷來鴻
翠幃春乍透
鴛鴦香冷
兩地愁同
只天涯離別如此匆匆
爭奈多愁多病無頭悶
一夜惺忪
風搖處獸環雙控
銀燭影微紅

滿江紅 示四妹

碧海茗溪彈指又一年
離別看過眼倦楊青老怨桃紅
歇相約每期燈火夜相逢
長是葵榴月倩殘燈喚起半
生愁今宵說采蓮沼香波咽
鬥草逕芳塵絕痛烟蕪
何處舊家華闕嬌小鳳毛堂
構遠飄零蟬髻門楣子拂
銀槃譜向玉參差聲聲血

將至京寄素庵

柳岸欹斜帆影外
東風偏惡人未起
旅愁先到曉寒時
作滿眼河山牽舊恨
茫茫何處藏舟壑
記玉簫金管振
中流今非昨
春尙在衣襟薄
鴻去盡書難託
歎征途
憔悴病腰如削
咫尺玉京人未見
又還負卻朝來約
料殘更無語把青編
愁孤酌

永遇樂 病中

翠帳春寒玉爐煙細
病懷如許
永晝悵悵黃昏
悄悄金博添
愁炷薄倖楊花
多情燕子時向瑣窗
細語怨東風
一夕無端狼籍幾番紅雨
曲曲闌干沉沉簾幙嫩草
王孫歸路短夢飛雲冷
香侵珮別有傷心處
半暖微寒

欲晴還雨消得許多愁。否春來也。愁隨春長。肯放春歸去。

舟中感舊

無恙桃花。依然燕子。春景多別。前度劉郎。重來江令。往

事何堪說。逝水殘陽。龍歸劍杳。多少英雄。淚血千古恨

河山如許。豪華一瞬。拋撇。白玉樓前。黃金臺畔。夜夜

只留明月。休笑垂楊。而今金盡。穠李還銷。歇。世事流雲

人生飛絮。都付斷猿。悲咽。西山在。愁容慘黛。如共人悽

切。斷。照。西山。幸。書。對。草。草。可。與。長。生。酒。正。釐。金。管。飛

春閨

隔花深處。聞鶯鎖窗。一霎東風驟。濃陰侵幔。飛紅堆砌

殿。春時候。送晚微寒。將歸雙燕。去來迤逗。想冰弦悽鶴

寶釵分鳳。別時語。無還有。怕聽玉壺催漏。滿珠簾。月

和烟瘦。微雲捲恨。春波釀淚。為誰眉縐。夢裏憐香。燈前

顧影。一番消受。恰無聊。問取花枝。人長悶。花愁否。

朱中楣

字遠山吉水人李元鼎室

滿庭芳

花朝偕陳浣花君朱女琴士讌集熊姑母東湖草堂隨過杏花村舍風雨驟作而歸因訂尼庵之約

纔過春分。又將寒食。烟光處處。空人欲邀。僊侶選勝。趁

芳辰。尚卜陰晴未穩。重游意。兀自逡巡。城南畔。招提小

芳辰尚卜陰晴未穩重游意兀自逡巡城南畔招提小

小桃李亦紛紜未聞評傷往事王孫草綠帝女花芬漸
苔侵古逕蒿滿閒門賸有方池碧漲凝情處樹古亭新
還惆悵踏青期阻微雨杏花邨

吳文柔 字昭質吳江人兆騫女弟

未謁金門 寄漢槎兄塞外

情惻惻誰遣雁行南北慘淡雲迷關塞黑那知春草色
細雨花飛繡陌又是去年寒食啼斷子規無氣力欲

歸歸未得

顧貞立 字碧汾無錫人貞觀女弟

滿江紅 中秋旅泊

為問嫦娥何事更一生耽閣也曾照曝衣樓畔長生殿
角伴我綺牕朱戶影孤他碧海青天約倩回風迢遞寄
愁心隨飄泊五色管今閒卻千日酒誰斟酌又天涯
羈旅鬢絲零落別夢忽忽偏易醒遠書草草仍難託判
長眠憔悴過三秋人如削

柳 字如是嘉興人歸虞山錢氏

金明池 咏寒柳

有恨寒潮無情殘照正是蕭蕭南浦更吹起霜條孤影
還記得舊時飛絮况晚來烟浪迷離見行客特地瘦腰
如舞總一種淒涼十分憔悴尚有燕臺佳句春日釀

成秋日雨念疇昔風流暗傷如許縱饒有繞堤畫舫冷落盡水雲猶故念從前一點春風幾隔着重簾眉兒愁苦待約箇梅魂黃昏月澹與伊深憐低語

虞兆淑

字蓉城海鹽人有玉映樓詞

點絳脣

梅綻芳菲垂楊烟外低金縷韶華小住生怕廉纖雨繡戶淒涼蝴蝶雙飛去愁如許夢魂無據還在秋千路

趙氏

錢塘人海鹽查容室

燭影搖紅

瑤瑟聲悲洞庭落木秋風急蘭旌桂棹水中央渺渺烟

波隔獨倚危樓百尺正黃昏長天一色汀沙月淡野戍

烽高寒山凝碧雙鯉沉浮錦書三載無消息江南江

北折垂楊歷亂愁如織歲暮虛傳畫鷁浪花殘蓮歌寂

寂雲迷翠羽露冷瓊枝流光暗擲

賀

潔

字靚君丹陽人溧陽史左臣室有文政堂詞

一翦梅

淡掃眉痕掩鏡奩花也慵拈香也慵拈倚闌終日病厭

厭風自開簾月自穿簾一庭芳草綠鋪瓊紅杏初酣

斑筍初尖玉堦微步望銀蟾花影纖纖柳影纖纖

馮

嫺

字又令錢唐人錢廷枚室有和鳴集一卷詞附

滿江紅 和外送春韻

庭院深沉湘簾外餘芳還有凝望處遠山烟靄愁霖聲
又彤管漫吟消雨夜紫姑暗禱占晴晝問仙家經歲總
如春會歸否心已醉非關酒眉未展非同柳聽簷前
響滴令人詩瘦蝶伴蜂羣迷不出芳郊綺陌游難久惜
光陰滾滾似流波空孤負

侯承恩 字孝儀嘉定人有益山詞鈔一卷

搗練子

春夢杳晚秋涼零落芙蓉尚有香人遠天涯紅日近斷
魂無語立斜陽

又

情脉脉思悠悠花自紛飛水自流青鳥不來春又盡含
愁無那倚妝樓

憶王孫

遠客長途孤寺秋天寒少箇寄書郵况兼風雨又綢繆
恨悠悠一點鳴牕一點愁

訴衷情 寄女史趙淑仙

難從弱水泛蘭舟悠悠無限愁天涯契濶空凝望此恨
幾時休星月小露華浮淚盈眸相思兩地芳魂不隔
夢繞高樓

西江月

天上繁星難數。人間萬籟無聲。忽聞清柝近三更。月照紗厨冷靜。若箇情深似海。卻憐命薄如水。吹噓何日上青雲。愁殺燈昏夢醒。

浣溪沙

姹紫嫣紅風日佳。心情擾擾似蜂衙。安閑試問是誰家。花正妍時愁雨妬。月當圓處被雲遮。人間薄命不須嗟。

虞美人

春過九十餘。芳草門掩經過少。荼蘼架上暗香消。尚有深深蛺蝶。趁風嬌。詩篇廢卻憐春去。難買流年住。小樓獨上覺淒涼。只見一池荷淨。浴鴛鴦。

畫堂春

夕陽時候薄寒生。依依獨自閒行。一羣鴻雁帶愁聲。飛過高城。攬鏡暗傷憔悴。背人偷落紅冰。畫橋西去是蓬瀛。只隔雲程。

一翦梅

無緒嚴妝獨倚樓。愁在。心頭。愁在。眉頭。蓼花風起冷颼颼。欲下簾鉤。嬾下簾鉤。百和香烟靜自浮。琴也慵修。書也慵修。夕陽西墮水東流。怕聽更籌。又近更籌。

書吳芳字芳英秀水東流外離更壽又改更壽

阮郎歸寄遠

東風吹就雨廉纖。慵將鍼線拈。暗愁多半上眉尖。殘燈和淚添。羅帳冷，髻鬟偏。無言且獨眠。欲憑清夢到君邊。誰知夢也慳。

鍾筠字蕢若仁和人仲某室

減字木蘭花春曉

曉鶯破夢九十春光。誰與其望眼。迷離粉蝶梨花一處飛。東風無力。小院迴廊春寂寂。悄傍妝臺。明鏡無端引恨來。

浣溪沙初夏

開到荼蘼花已殘。垂簾猶自怯春寒。困人時候雨連纖。燕子將雛聲細細。荷錢雖小葉團團。一庭芳草綠如烟。

顏繡琴字青音吳縣人

長相思憶葉昭齊表妹

思漫漫恨漫漫。春色芳菲取次看。閒庭花影寒。繞闌干。倚闌干。夢見雖多相見難。紅香泣夜殘。

葛宜字南有海寧人

踏莎行全堂博尚書空潮人韻流俗

花撲重簾雲生遠樹倚樓望斷人歸路卻憐檻外雨和
風殘紅一夜飄無數新燕初飛乳鴉拂羽歸來已是
芳菲暮晝長漸近困人天春來春去傷心處

章有湘 字玉篴江南華亭人

浣溪沙 旅懷

此夜難分怨曉鐘夢魂偏又到吳淞愁情先上兩眉峰
滄海一聲臨遠道蘭橈千里破長風可憐回首隔江

東

吳森札

字文照號蕭湘居士吳江人

望江南 別情

人去也晚霽送行舟欲倩遠山留落日待登高閣怯新

秋滿日是離愁

綺羅香

賦得願在衣而為領

一幅鮫綃幾回付量拈卻繡刀裁翦穩貼雙肩記把芙蓉扣掩綴珠翠顧影沉吟臨鏡面瘦痕羞斂漫尋春蝶
眷蜂憐芳心猶恐舊香淺繡罷重封奩篋怕新來寬
褪瓊酥銷減倦壓鴛衾蘭麝休教再染愁春去怨雨啼
雲惜花殘香柔紅軟解羅衫閒疊熏籠甚心情更展

張學雅

字古什太原人張佚女流寓蘇州早卒

生查子

國朝詞宗卷四十七

七

夢醒燭條斜。何事頻添淚。清夜正迢迢。綠焰煎心碎。
繡帳冷熏篝。香膩鴛鴦被。懶卸玉搔頭。一束和衣睡。

菩薩蠻

纖纖眉月窺簾小。夜深人靜閒庭悄。香袖倚欄杆。玉階
花露寒。鈿箏絃斷續。懶奏歸雲曲。微濕素牋紅。燈前
帶淚封。

蝶戀花

夜雨

門掩蒼苔春寂寂。暮雨瀟瀟。隔著窗兒滴。小院黃昏人
獨立。一雙飛鳥歸棲急。萬里瀟湘雲霧濕。簾外風聲。
疑是吹蘆荻。腸斷梅花和淚泣。還驚夜半高樓笛。

青林又

紫燕雙飛春去了。桃李枝頭。留得春多少。簾箔重重人
悄悄。相思一半縈芳草。空憶故園歸去好。正是池塘
綠滿荷錢小。深院垂楊烟繚繞。落紅荒榭啼鴉老。

燭影搖紅

秋思

搖落江天一庭淡。日間清晝。素衣時怯。曉風侵睡。起籠
金獸。病後東陽消瘦。蕙高幾度。空回首。籬邊疎菊。天際
孤鴻。年光依舊。五不解雙蛾。偏將惱恨。深深覆。蓮房泣
露。粉香愁池水。風吹皺。昨夜雨輕寒驟。海棠滿砌。胭脂
透。暮蟬疎柳。黃葉堆階。斷腸時候。

喻

字推綺吉水人侯鼎臣室

踏莎行

借嫂游湖浦

畫閣妝餘東風正早且閒刀尺聽啼鳥湖鄉十里趁花
開凌波莫惜鞦韆頭小樹裏人家隄邊芳草遠山無數
橫天表頻年苦憶故園春今年始覺江南好

沈關關

字宮音吳江人思

臨江仙

春睡慳慳如中酒小庭閒步徘徊雨餘新綠徧蒼苔落
花驚鳥去飛絮捲愁來對纔覺春來春已暮枝頭纍纍
青梅年光一瞬總堪哀浮雲隨水逝殘照上樓臺

沈友琴

字參苻吳江人周鈺室有靜閑居詞

浪淘沙

月下桃花

清露釀花烟皓魄無邊數枝低亞笑嫣然一自天台逃
路後辜負年年蟾影罩霞鮮似共流連茅齋相對恍
疑仙賺得東風今日好莫為愁牽

沈御月

字纖阿吳江人皇甫鏗室有空翠軒詞

虞美人影

送春和韻

送春春去添煩惱閒悶何時得了試看落紅多少點破
階前草流鶯樹上啼聲悄驚破羅幃夢杳斷送鏡中
人老都為春歸早

人等狀廿五日錄下閱此一卷選得二十一首

詞前草 詞後林上詞聲 詞後聲 詞後聲 詞後聲

詞後聲 詞後聲 詞後聲 詞後聲 詞後聲

與美人湯 送春好

詞後聲 詞後聲 詞後聲 詞後聲

詞後聲 詞後聲 詞後聲 詞後聲

詞後聲 詞後聲 詞後聲 詞後聲

詞後聲 詞後聲 詞後聲 詞後聲

詞後聲 詞後聲

國朝詞綜卷四十七

國朝詞綜卷四十八

詞後聲

青浦王昶纂

葉宏綱 六首

顧瑤華 一首

閔懷英 一首

郁大山 一首

潘玉端 一首

倪小 一首

陸鳳池 二首

毛茂清 三首

項珮 一首

邵斯貞 一首

馬挹芳 一首

徐元端 一首

許心榛 一首

金莊 一首

顧之瓊 一首

曹鑑冰 一首

錢鳳綸 一首

沈璽珮 一首

許宜嫵 一首

袁寒篁 一首

陳敬 一首

葉慧光 一首

程苾娥 二首

徐玉映 二首

許玉晨 四首

胡慎儀 一首

張玉珍 四首

沈纒 三首

沈湘雲 二首

戴陵濤 一首

蓉湖女子 一首

舒霞 一首

方是仙 一首

何月兒 一首

葉宏綱 字書城崑山人 有繡餘詞草

王素巖云石林居士世仰高風菘竹名儒代傳清德書城葉太君頌椒語菊抹月批風閒寄意于填詞積等身之傑作吹簫羸館卽試新聲挾瑟楊家偏摹舊譜近宗兩宋可登秦柳之堂上溯三唐幾奪白温之席

望江南

人別後獨自倚牕紗畫譜頗圖連理樹繡牀羞刺並頭

花愁思近來加

又

人別後錦字倩誰傳心逐雨花臺上客情牽桃葉渡頭

船終日悶懨懨

浣溪沙 初夏

開遍薔薇小院香。乍晴梅雨蝶飛忙。一溪新碧浸鴛鴦。
古帖午臨欹枕倦。瑤琴晚奏短襟涼。倚欄遠望又斜陽。
桂殿清香杏桐堦。夜色浮孤燈。門掩有人愁。幾點無情
蕉雨滴心頭。雁影寒烟樹。蛩聲冷翠樓。西風迢遞疾
如流。吹老蘆花。又入鬢邊秋。

踏莎行 秋閨

寒雁侵吟籬。花伴繡蕭疎。一派秋時候。曲欄倚遍望天涯。
涯斜陽斷處。青山瘦。屏掩銀牀篆噴金獸。芭蕉影壓
疎簾。縵那堪。月上又黃昏。聲聲露滴梧桐漏。

浣溪沙 題女史楊倩玉遠山遺集

吹落雙星雁獨歸。斷魂殘夢遶花枝。西風冷落舊羅幃。
黛筆難描索笑影。淚珠拋作亂紅飛。挑燈讀遍遠山

詞

顧瑤華

字晚芬。錢唐人。裘某室。有自怡草一卷。詞附。

卜算子 題畫

殘雪壓南枝。月上黃昏靜。疑是林逋處。士家清淺溪邊影。
寂寂暗香浮。幽意無人省。爲占江南最早春。耐盡
風霜冷。

風閑懷英

字晚餘錢唐人方祐俊室有猗香樓吟稿一卷詞附

減字木蘭花

憶杭

春寒驚夢被擁巫雲誰與其望眼迷離粉蝶楊花一片飛
倚闌無力深掩重門人寂寂兒女牽懷目斷西冷

雁不來

雁不來

字靜如青浦人倪某室

郁大山

秋夜

何處鐘聲誰家笛韻最是多情獨步芳階芭蕉月上影
落疎櫺連朝碧草無螢窗兒外風清月明寶篆拋烟
銀燈無焰倍覺淒清

潘大端

字慎齋青浦人倪永清室

鷓鴣天

瑞腦空燒入夜香輕風吹恨上羅裳倚欄無語看明月
暗覺芭蕉影半牆秋寂寞夜淒涼偏來愁思惱愁腸
愁腸寸寸因愁絕又送愁人兩鬢霜

倪小

字苗姑青浦人陸某室

菩薩蠻

秋夜獨坐

蘭閨幽靜纖塵絕博山香炷挑燈熟何處弄哀箏淒涼
獨自聽秦銀河清似水人坐秋聲裏窗外月華生粉牆
花影明

陸鳳池 青浦人

憶秦娥 杜鵑

東風咽杜鵑。簾外啼紅血。啼紅血。一枝竹影半庭殘。月

當年幽恨憑誰說。鄉關望斷真淒絕。真淒絕。不如歸

去舊時宮闕

雨中花 秋思

滿徑芙蓉紅欲暈。更交映桂芳菊。潤聽幽砌。蛩吟疎林

蟬噪。惹起清秋恨。每歎流光容易盡。記七夕。鵲橋渡

穩。早過了中秋。疎風斜雨。又是重陽近。

毛茂清 字林逸。太倉人。顧清振室有筠雪軒草。

踏莎行

閑裏心情病。餘詩酒。匆匆寒食清明後。柳絲無力綠低

迷。花枝有恨紅消瘦。春晚韶光暖。風吟袖。爐烟不動

湘簾。晝夕陽天外。亂山多。望中又是愁來候。

臨江仙

一夜西窗細雨驚。心芳事將闌。厭厭睡起小屏山。斷魂

隨。落絮殘夢怯。啼鵑欲問春歸何處。空憐花自無言

幾回吟望向風前。不堪芳草色。爭奈夕陽天。

齊天樂

碧梧芳信驚初到。秋聲晚來無數。金井闌邊。荳花籬落

做得淒清幾許。蕭蕭振羽似一度高吟。一番低訴乍斷
還連依稀吹入小窗戶。還疑春繭曳緒引秋情暗起
宛轉千縷錦字縈愁。哀絃紡夢獨立空階風露不勝酸
楚共促織鳴悲寒蟹啼苦絮盡新愁夜涼誰共語。

項

珮字吹聆秀水人吳統持室

桃源憶故人聞外歸

東風似惜離顏瘦。不許紗窗輕皺。吹得梅芽香透。纔是
郎歸候。屏山十二春依舊。買幅生綃重繡。花影雙雙
當晝。莫遣離情又。

邵斯貞

字靜嫻餘姚人

蝶戀花

于某室

春雨三更喧碧沼。愁病交侵有夢何曾好。枝上鶯啼天
欲曉。空庭一夜生芳草。何處天涯音信杳。紫燕雙飛
偏把幽情惱。捲起湘簾風尚悄。臨粧嬾把蛾眉掃。

馮挹芳

字琴仙長洲人馬某室有三影樓詞

菩薩蠻

雨窗對菊

繡衣風透餘香織。玲瓏嫩葉凝眸碧。花影半簾秋。簫聲
起畫樓。夜深人獨立。風雨蕭蕭急。燭灺閃虛櫺。疎枝
映素屏。

徐元端

字延香江都人

南鄉子

獨坐數歡期。花影重重月影低。無計徘徊思好句。支頤。除卻春愁沒箇題。閒倚畫樓西。芳草青青失舊隄。猶

記當時人去處。依依紅杏花邊。颺酒旗。漫半簾。冰燼

一許心撩字阿秦

菩薩蠻

數聲漁笛斜陽裏。離愁生怕寒風起。烟樹幾人家。冬殘猶試花。昔時歡笑處。各自東西去。盼到斷鴻飛。霜帆

獨棹歸

金莊字子嚴江寧人王其室

清平樂

淒涼晚色。絲雨和愁織。夢到楚江行不得。一片濕雲空隔。年時曾憶城東杏花。點點飛紅。門外憑他寒食。玉

闌自有春風

顧之瓊字玉蕊仁和人錢某室

浪淘沙

風靜綺牕閒。一任妝殘晝長。何事倚闌干。好夢不來來便去。幾度芳年。極目楚江寒。烟棹平瀾。離魂難度萬

重山簾外柳條飛絮也。春又闌刪。

曹鑑冰字葦堅嘉善人有繡餘試硯稿

曹疎影

雁影

繪於屏

行行點點。問誰將淡墨。憑空灑徧。雪壓危橋。月暈閒庭。

描寫春愁秋怨。蘆花港淺。參差過。還認是掠波歸燕。帶

斜陽時近南樓。界出一繩天遠。總使懸鉞垂露。只模

糊不辨。隸蟲符篆。寫上征衫。落到寒砧。可也寄封書便。

驚弦任爾高飛。起原依約晴川。荒甸最消魂。暮雨朝雲

吹墮平沙難見。

錢鳳綸

字雲儀。仁和人。黃式序室有古香樓詞。

眉峰碧

與亞清奕

深院閒春晝。小篆歎金獸。一杯清茗。一杯棋。正杏雨香

飛候。鸚鵡新聲。灑地驚回首。無端輸卻玉搔頭。倚

屏笑。撚花枝嗅。

沈珮

字飛霞。桐鄉人。吳起代室有繡閣殘稿。

南鄉子

簾外雪初飄。翠幌香凝。火未消。獨坐夜寒。人欲倦。迢迢

夢斷更殘。倍寂寥。樓閣徧瓊瑤。庭樹紛紛玉作條。林

外梅花應放也。蕭蕭香到寒溪第幾橋。

許宜嫻

江州人。有問花樓詩餘。

柳梢青

寄外

日殘春暮。年年拋恨在花間。住一陣東風。梨花如雪。桃

花如雨。教人沒箇商量容易。把韶光放去。只恐來時。殷勤問我。春歸何處。

袁寒篁 江南華亭人 有綠窗詞

虞美人

輕寒漸退。東風暖漫。把湘簾卷。眼前蕩草。不忌憂偏。是一絲楊柳。一絲愁。年年對景。增凄切。恨共丁香結。不如掩了碧牕紗。一任淡烟微雨。送韶華。

陳

敬

字端寧。號髻儒。江南華亭人。周誠閑室。

畫堂春

送春

呢喃雙燕。傍簷飛綠。陰搖曳成圍。朝來便覺眼前非。初

試羅衣。寶馬香車。人散金鈴。綵幔花稀。年年此際對

斜暉。可奈春歸。

葉慧光

字妙明。南滙人有疎蘭詞。

珍珠簾

孤雁

真真萬里呼羣急。歎浮生也復漂流。南北一點落平沙。認往時蹤跡。輾轉驚魂。猶未定。正雪滿寒灘。蘆荻悽惻。待寫怨。畱情不成行墨。清影獨占天涯。傍瀟湘。苦竹淚痕凝碧。天半動哀聲。似斷弦。瑤瑟十二樓中。明月夜。悵舊侶。那堪思憶。悽絕只孤鶴橫江。似曾相識。

程夔娥

號蓮邨。休寧人。蔣璽室。有雙松詞一卷。

兩情字亦對畢竟不亦

減蘭

新月

浮雲散盡一絲露出銀塘冷。照上妝臺羞染春山弄玉。
釵波光透入金仙肯受蝦蟇蝕雁影樓西認作弓彎。
不敢飛雷音不與行墨。青溪斷古天到雲濤時苦竹。

桃源憶故人

西窗斗柄驚秋早昨夜玉簪開了蝴蝶不知身老猶戀
花叢繞芳堦吹落王孫草桐葉飄來風掃無限秋心
誰曉添得愁多少

徐玉映

字若水錢唐人歸長洲孔氏早卒有南樓集詞附

點絳脣上元後一日

獨倚薰籠舊游誰是關情處霜清月午香雪孤山路
春到吳閭却被東風悞紗牕暮收燈院宇擁髻瀟瀟雨

采桑子

題畫

仙山樓閣空中住不坐雲車便上靈槎又跨青鸞弄彩
霞蒼苔白石巖扉靜煙水生涯風月年華愛伴雙成
掃落花

許玉晨

字雲清江南華亭人有琴畫樓詞

好事近

春水碧漪漪瀾瀾下來雙浴恰被落紅驚去剩浮蘋新
綠小欄花韻倍嫣然香睡午晴足困倚畫屏深處又

風敲修竹

金縷曲

答外

晝永何當遣向晴
牕開鑪試茗提壺洗硯偏是珍禽檐
間語又喚繡牀針綫誰省識相思人倦幸有牆東櫻桃
樹破東風已覺紅深淺對妝閣作清伴 鳳城多少香
輪輾只閉門一番新雨繡箔凝遍欲倩生花傳幽緒奈
破江郎占斷但夢憶故山清遠遙盼吳淞春波濶恨錦
鱗不寄迴紋轉餘芳淚枕函泣

浣溪沙

翠竹陰深暑半消
玉荷池畔暗香飄半規月影上梧梢

團扇倩人塗蛺蝶
畫叉喚婢捲蠨蛸
小屏風底換輕綃

菩薩蠻

棗花簾外西風緊
玉鳧沉麝餘香燼
燈影暗銀缸
梧桐葉打窗
此情誰共省
淚濕紅巾冷
寒雨又淒淒
秋蟲作伴啼

胡慎儀

字

山陰

滿江紅

題三泖漁莊圖

古渡扁舟橫繫在柳陰深處
視西風那湖秋早挂帆歸
去一片斜陽紫岸曲
半灣流水沿門住
把漁竿獨坐自

忘機盟鷗鷺。頻領畧烟霞。趣寒復煖。朝還暮趁。箕踞長嘯。逍遙寰宇。茅屋春深。鶴夢老金爐。香裊琴心。古勸垂綸。莫漫向衡門樓。遲誤。

張玉珍

字藍生江南華亭人金朝室有得樹樓詞

柳梢青

寒食日作

怕是芳春。春寒春困。偏易傷人。牆外秋千。階前花片。靜掩柴門。新愁觸損眉痕。相攬處。吟魂。夢魂。細篆飄殘。短檠分到。又是黃昏。

又

寄遠春弟

愁化輕煙。了無消處。忽墮燈前。豈怨離多。應憐別久。瘦

到吟肩。夜寒頻數瓊籤。敲不盡。迢迢似年。木葉飄時。霜鴻過盡。難寄紅箋。

祝英臺近

病起

雁書沈芳信。遠麗句寫。紈扇小極。無聊睡也。幾曾倦縱。有鴻雪行蹤。絮泥心事。都付與舊時鶯燕。蠟燈泣。早又院落黃昏。螢火兩三點。曲彖闌干。不語苦憑。徧倩攜綠綺。輕彈一天離恨。任香影回風。低卷。

憶舊游

寒牕聽雨回憶借亡妹季蘋挑燈清話感

記當時。聽雨小閣。聯吟正是。寒天不盡。清游興儘。敲碁。門茗何限。纏綿漏聲。縱催深夜。刻燭竟忘眠。被一霎西

風平分雁侶隔斷荒烟情牽片帆遠悵越尾吳頭尺
素茫然碧海珠難合便芳魂入夢夢也堪憐斷腸暗垂
清淚蘸墨寫雲箋想如寄人生多愁乃爾空少年

蝶戀花

字蕙孫長洲人林行潮室有翡翠樓詞一卷

百五韶光餘幾許

輕暖輕寒漸覺芳時暮落盡桃花飛盡絮闌干凭到無聊處

試聽梁間雙燕子豈解傷春却作傷春語打疊愁腸千萬縷夜來那更風和雨

落花紅雨春陰薄薄陰春雨紅花落清院一聲鶯鶯聲

菩薩蠻

春日回文懷素芳周姊

一院清

碧波烟靄隔隔靄烟波碧魂斷最黃昏昏黃

最斷魂

點絳脣

春晚和陸素窗姊韻

晝靜簾垂落花滿地鶯無語愁心如許不共春歸去

佇望天涯一帶雲連樹人何處相思寄與分付風前絮

沈湘雲

字綺琴江陰人王氏青衣有峽水餘音

踏莎行

送春

恰恰鶯啼喃喃燕語商量欲倩東君住茶蘼架外草青

青綠陰如幄遮來處小夢初醒斜陽易暮微行悄步

看他去一溪花瓣水聲長誰知卽是春歸路

淡黃柳

歸舟咏蟬

寒蟬乍咽橋外停蘭楫一帶江村殘雨歇聽到五更欲
斷淡月蕭疎又秋色。這時節夢兒乍成得櫓聲苦響
偏急記烏衣巷柳會相識捲起孤篷迢迢往事一樹無

情自碧

青大木刺水會音

戴陵濤

字文淑江都人有緣窗草

虞美人

秋山

千林葉落千峰曉颯颯西風早隔山何處逗鐘聲回首
蒼茫雲樹接歸程寒鴉古木深秋後楓葉霜初透停
車晚步望山頭又是一行征雁過秦樓

蓉湖女子

江陰人

畫堂春

長空一碧月華生秋花褪盡紅英鷺鷥兩兩浴蘭汀濕
浪吹萍霧氣捲開山色雲光流出溪聲湘簾斜捲綠
烟凝人倚銀屏

舒

霞

女

愛風流幾信賴人向是此坐

臨江仙

舟中作

閒卻此身滄海外帆輕不計途長邨邨樹色染秋霜波
漂菰米熟風送野花香蓼渚蘆灣何處宿狎鷗一樣
行藏十年前事已相忘只愁今夜夢隨月到家鄉

方是仙

字澹然
吳興妓

女冠子

曉鶯啼罷。起來多少愁緒。鈎簾飛絮。水流花落。銷魂時

節。拋人歸去。玉鞭門外路。和淚看人更無言語。燕釵燭

冷。雲鬢花欹。倦臨繡戶。愛風流幾許。賺人句。恨此生

卻似海棠開無主。佳期難據。怕魚沉雁杳。尋伊何處。况

多病多愁。怎禁零落。這番春暮。空闈今夜。夢魂深鎖。半

聽烟雨。

何月兒

亂仙

鷓鴣天

整束簪環下碧霄。教人腸斷念奴嬌。曲房空剩殘香粉

獨對瀟湘憶翠翹。尋別話。酌清醪。盈盈徐送小紅橋

從今不伴煙霞客。愛向風前鬥柳腰。

廿六日證六閣此一卷選以三十一首

寶士戈第

國朝詞綜卷四十八

國朝詞綜卷四十八

三

古今才力不逮。昔賢。各變。自。風。情。而。詞。類。辭。從。漸。而。就。率。賦。事。假。而。詞。博。題。益。廣。與。余。安。少。山。澗。蘇。東。坡。蘇。子。書。書。澤。人。謝。淵。念。奴。謝。曲。吳。空。陳。遠。香。公。

跋

是書既成摩挲再四覺尚多缺略如

國初詞人見於名人文集者尤西堂則有許漱石粘影詞丁歐冶問鸚詞王德威璧月詞朱竹垞則有柯寓匏振雅堂詞孟彥林詞陳其年則有吳初明雪篷詞觀槿堂詞之類皆未經寓目而

欽定四庫全書見於詩類中又有呂陽陳軾梁清遠等十有餘人列諸存目其詞亦無從採輯蓋江湖憔悴之士為之而未成卷成而未能傳世其詞在若存若滅者又何可勝數而予目嘗亦已三年矣搜採抉摘尙有待

乎後之君子焉嘉慶癸亥臘月八日老人王昶又書
士為之而朱如登如而未始與也其隨而書者亦必
十有餘人彼諸君子其隨亦無餘計蓋其時雖有
為室四車全書良效諸君中又有呂勳刺補樂壽縣
堂隨之賦者未嘗寓目而

辨辨堂隨孟亥林隨刺其半即存矣所則書卷隨
隨丁燦台問隨隨王隨對書良隨未分於限存
隨隨隨人與外存入交樂香次西堂限首指燦可
身書隨對樂率再四書可於燦

題



